

穀

三

卷

糾

序

一

凡例

四

目

AE
4
W 284
V. 1




EAST ASIAN LIBRARY
RM. 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

休寧汪果齋輯

穀玉類編

資履堂藏板



穀王類編

卷之四

卷之四

康熙丁亥予受業於族叔
父今親先生之門見先生
手輯類書藏玉一編則衣
部居已寒然數十載後
生卷後於藏書家益肆
予人亦身帶

康熙丁亥予受業於族叔
父今魏先生之門見先生
手輯類書穀玉一編州次
部居已裒然數十帙後先
生客授於藏書家益肆蒐
採熱膏宿火寒暑弗輟閱

數十年書成而先生捐館
舍先生之子樸園將付之
梓寓書索予序類書自唐
初學記白孔諸家而後沿
例撰次無慮數十百種顧
裒輯之難約有二端見聞

不廣搜羅不富稗販叢殘
一齋之味不足朶既飽之
顛一湓之米詎能果甚枵
之腹此陋而不足備用也
許多鬪靡詭異錯出猩脣
獾炙無關日用之需土飯

塵羹并失飲食之正此駁
而不可為訓也先生之書
綜古今括宇宙七略之所
序四庫之所標無不繁徵
遠引取多而用宏及觀其
大指擇言必馴取材必正

以經史為根柢以子集為
條肄以人事為經緯以物
象為績繡則又寓別裁於
編纂之中具有精義寒儉
者得之固不啻療饑之蔣
粟也即淹博者亦將以是

序
為珠槃玉敦之陳不與瓦
缶並薦語曰豐年玉儉年
穀觀先生所以名書之意
而可識已嗚呼古學之荒
久矣搯觚家徒挾其呬唔
佔畢之長以冀一日之弋


獲視讀書續言為無當而
才智者率泛濫於叢編脞
史稗官小說以矜一得之
竒其於源流正變雅鄭區
分未有聞也先生以老諸
生窮年斲：未嘗以儲侍

既富輟討索之勤邛二乎
不少假易推先生之意以
學殖不可不充拍歸不可
不正而拘墟與橫驚胥失
也或有謂類書出而學者
不復見全書此則先生不

任其咎也具膏梁者弗禁
其事畋廩炊珠桂者奚妨
其勤樹藝在學者善會之
而已矣憶昔從先生時先
生年及艾矣猶自課六經
四子書秦漢八家之文歲

背誦一周平生著述未及
問世而是編實足以嘉惠
來學曰樸園之請用推闡
先生名書之意以告世之
人使知為學宗旨在博而
能精亦藉以自勵也

乾隆二十有二年歲在丁
丑冬十月受業愚姪由敦
謹序



序

五

類書之作隋唐以前有皇覽類
苑等六家狀皆失其傳故不可
考在隋則有虞世南北堂書鈔
唐則歐陽詢藝文類聚徐堅初
學記白居易前六帖諸書蓋濫
觴之始也厥後採觝之家接踵
而起卷軸繁者博而寡要遑幅

陋者未免挂漏無乃如稻生之
稻類玉之石不足以壽世而行
遠者歟 世父今魏先生研精
經術學有本源生平於書無所
不窺探討之餘泐筆鈔錄標目
分條考辭選義各以類從提其
要而復鉤其元識其小而不遺其

大又以世所編纂大率鋪錦列
繡華文少寔而於治道人心曩倫
風教之所闕繫者鮮有發明故於
此尤三致意焉其所擴括不出經
史子傳而小說短書荒唐悠謬
之詞槩擯弗錄其所取皆布帛菽
粟之文而壞奇偉麗淫震發於

其間蒐葺之勤歷有年所裒然成帙藏之篋笥久矣哲嗣樸園兄懼先澤之就湮謀付剞劂氏命沆較字受而讀之見其精鑒博采如邨公以鳥羽擇米粒之精鑿又如陽雅伯種玉無非白璧洵所謂豐年玉荒年穀有用而且可貴者詎若

兔園冊子徒供涸腕枵腹之雕虫
獺祭也哉夫繹陽之粟浮於渭濱
諸侯不敢過糴也和氏之璧剖於荆
文匹夫不敢懷寶也此書儼石倉
崑園之積既充寶而輝光矣而欲如
論衡一書作枕中秘其可乎且玉足
以庇嘉穀二者要皆豐年之瑞歟

序二
足以濟世用而為儒林之共珍無疑
也爰推廣命集之義我謹綴數語於
簡末云

乾隆戊寅仲夏槐塘狂沆頓首抒揆



類書之作所由來舊矣顧春華
海棗不遇為綴文者用以潤涸
思供澁目非盡閎切身心可使志學
者有所勸濟物者有所放也果齊汪
先生篤學力行有潛德而雷於遇
獨善其身未有以及天下故先生欲
善之心不能一日忘嘗採摭經史寫
集聞見為書五十卷題曰穀玉類
編蓋將以揚先民之懿德導來者
之善萌如豐年玉荒年穀固人世之

美瑞須臾不可離者也書成未克刊
布識者憾焉子樸園與余交最善
孫立本又從學於余因得蒙是書
而讀之竊見其於忠臣烈士孝子悌
弟義夫貞婦之凌錄宇宙典夫鴻
儒碩彥文章政事之貴皇及飲食宮
室衣服備物致用之紛紜而錯雜固
皆爛然有第為嚮善者立之標準矣
至於天地定位日月星辰之行山川草
木禽魚之狀其事若博而寡當一經

決擇莫不有以爲上善助益變隋
唐以來記誦詞章之學而繩以大儒
修己治人之方其體例不越前規而此
物儼然有倫有要非一切操觚家所
能望其津以者嗟乎先生雖獨善其
身未及善天下而是書之出實足以使
志學者有所勸而濟物者有所放焉
其爲人世之美瑞豈不信哉或曰人心
至不同也肥鮮是悅而不知糲梁黍
稷之珍譁囂是耽而不知琉璃璫璫

之貴舍明體達用之學而宿心爲惟
物采色存聲音穀玉雖存孰能
強异好者而愛之重之余謂不然人
不知愛其身則已知愛其身未有不
欲善其身而所以善其身者是書既
章其具備矣加以根括富有藻采炳
然亦足資綴文者之用譬諸高廩之
藏懸圃之積多寡鉅細任人取携有
識者孰甘捨是焉今年夏剗剗已竣
撲園索余言余既欽先生同善之心而

又嘉樸園能擴其先志也因不辭
而為之序

乾隆歲次戊寅天中節後五日
同夢姪嘉樹吳世英拜書



吳

三

穀玉類編凡例

一古今事不勝採矣茲編止錄善者善事亦不勝採矣止取大忠大孝可以廉頑立懦者其次則才識文武經濟攸關又其次則典故菁華足資聞見一以寓獎勸之心一以救空疎之病也

一分類不外天地人物然惟人類詳者人則倫常交接才德行藏非多不備若天地羣物止從簡要

一類書之來久矣而根柢經史者少茲編專以十三經爲綱二十二史爲目至子集內有事關體要者間收一二用補闕遺要皆從本文全取節取不敢妄增一字妄易一字

一徵引貴博而選言貴雅不然卽正史中雷擊朱書於背立地書

廚水晶燈籠之屬亦爲汰去

一每類汎論在前至徵引事實則由上古以迄前明依世代爲先後序時不序書若同時則先正統次他國從史例也南北朝則先南後北先宋齊梁陳次魏北齊周隋從南北史例也

一每條下必註某書以傳信也若數條同所出者止註首條餘不復贅

一詩賦言情不詳事實稗官紀畧互有異同是編不暇沉摭惟歲時品物之門因本條事少不能不稍資潤色然亦必信而有徵不然寧闕無濫

一兩端相似而取義各殊如有祭又有祀典祭者私祭而祀典則

國家大禮有直諫又有規箴直諫專指諫君而規箴則因事攄
忱不專屬主臣之誼有厚德又有仁恕厚德舉其概而仁恕則
忘身濟世其事更難其烈更大也

一體昔人合傳之意如紀布不入死難者以其免君同于丑父而
並入忠貞折檻不入剛直者以其忠憤甚於糾彈而並入義烈
餘可類推又類中如月與中秋燈節與燈園亭與遊讌葬與相
地之屬徵引雖殊無妨互覽

一典籍浩如烟埃

舒

家乏收儲焉能博涉惟是性之所嗜髫年卽

有志綴緝借緘閱市繼以手鈔寒暑數十更部居畧定爲類三
十有四爲卷五十名曰穀玉類編亦以珍仰屋之艱辛備耄年

之箴傲耳其中呈漏甚多踳駁不少倘蒙高明教正敢不拜手以須

休寧汪兆舒果齋自識

男 質樸園訂刊

立名賓也
孫 立本其淵
參校

右穀玉類編五十卷蓋先君子一生績學綜貫古今典籍而成者也先大父怡亭公以寄籍食餼錢塘掉鞅詞苑與陸拒石冠周洪潤孫高江村諸前輩結吟社有閑存堂詩稿等集行世先君子甫弱冠補仁和學增廣生庭訓之暇且撰杖於諸先生門胄胎前光淵源有自故其學務爲廣大不屑以分文析字鋪錦列繡爲工所著有辨體齋制義及詩古文辭若干卷而生平拳拳牖世之意尤殫述於是編家文端已序其大略矣於是小子質泣而言曰吾先人砥行立名遁光莫曜不肖不克世其家學是用疚心猶憶束髮趨庭竊見先君子日手是編丹黃塗乙不輟寒暑固屢易其稿已先是明史尚未頒行稗瑣不足取信先君子恒以

爲嫌及戊午已未間蒙

詔布學宮時年已就耄猶作蠅頭細字鈔緝排纘得爲完書曰今而後吾願畢也歲月寢馳剗剗不顯懼無以章先志獲戾滋甚爰檢遺稿正之同學吳嘉樹族弟西顥并命兒輩校讎點畫付諸梨棗經始於丁丑之秋明年夏乃歲成事嗚呼手澤心源於茲不墜爰綴數語以附簡末男質百拜謹識

穀玉類編總目

卷一

乾象類

天

日

月

星

雲

風

雨

露

霜

雪

雷

電

雹

霧

虹

霞

卷二

時令類

歲時

春

立春

元日

燈節

清明

夏

端陽

三伏

秋

七夕

中秋

九日

冬

冬至

歲除

卷三

休咎類

祥瑞

災異

水患

火災

卷四

坤輿類

地

山

水

京都

宮殿

第宅

樓臺

園亭

石

井

鄰 橋 路 城 寺廟

卷五

堂廉類一

君 孝友 寬仁 恭儉勤政

納諫受言 明斷

卷六

堂廉類二

臣 忠貞 死難 直諫

卷七

庭闈類一

父子

孝子

佳兒

家教

父子宰相

不肖

幹蠱

卷八

庭闈類二

祖孫

祖母

母

女

姑婦

叔姪

卷九

庭闈類三

夫婦

賢婦

才婦

智婦

節烈

卷十

庭闈類四

兄弟

友愛

姊妹

妯娌

卷十一

姻連類

外祖外孫

舅甥

中表兄弟

翁壻

姊夫妹夫婦兄弟

聯襟

附妾婢

附僕

卷十二

交際類一

朋友

交情

卷十三

交際類二

師弟

名師

高弟

卷十四

交際類三

賓主

好客

卷十五

懷感類一

老壽

生日

嫁娶

生子

卷十六

懷感類二

疾病

死喪

親喪

喪妻

喪子

葬

祭

卷十七

涉歷類

賞譽

規箴

遊宴

餽贈

餞送

旅寓

借債

報恩

報讎

富厚

貧乏

奢侈

客齋

卷十八

利澤類

厚德

睦族

賑飢

好施

焚券

育嬰

葬骸施棺

放生戒殺

卷十九

才品類一

仁恕

義烈

方正

剛直

清廉

卷二十

才品類二

誠信

勤敏

雅量

謙恭

儉約

識見

智謀

卷二十一

才品類三

知人

才能

強記

高隱

風慧

壯志

改過

辭命

卷二十二

經濟類一

歷象

用人

稅法

備荒

理財

錢法

禮制

卷二十三

經濟類二

樂制

祀典

耕藉

兵制

屯田

刑法

弭盜

肆赦

治河

卷二十四

儒術類一

經學

理學

史學

字學

篤好

博聞

鈔書

卷二十五

儒術類二

文

詩

賦

敏捷

代作

卷二十六

武功類

制勝

詭道

水戰

火攻

卷二十七

帝戚類

皇太后

皇后

妃嬪

太子

公主

親王

卷二十八

職官類一

宰相

翰林

中書

吏部

戶部

禮部

兵部

刑部

工部

部曹

給事中

都察院

御史

宗人府

通政司

大理寺
太常寺
光祿寺
太僕寺
鴻臚寺

國子監
京府尹

卷二十九

職官類二

使臣
督撫
布政司
按察司
鹽運使

知府
府佐貳
知縣
縣佐貳
教職

將帥

卷三十

遭遇類

薦舉
早達
晚遇
貴盛
優禮

寵賚

復任

遺愛

致仕

黜謫

囚辱

卷三十一

科名類

科第

鼎甲

師生

下第

卷三十二

技藝類一

善書

書畫

善射

卜

醫

卷三十三

技藝類二

善相

推命

相地

知音律

歌

舞

勇力

畋獵

奕棋

工彈

卷三十四

儀表類

丰美

醜陋

美婦

醜婦

貌肖

長

短

肥

瘦

頭面

胸腹

耳

目

鼻

口

脣齒

髮

鬚

手

足

殘破

笑

哭

行

臥

夢

好潔

卷三十五

方外類

佛教

僧

道教

前生

神鬼

卷三十六

器用類

璽

印

笏

鼎

車

舟

旗

傘

鏡

扇

杖

盃盤

杯

箸

爐

燈

燭

香

案几

屏風

簾

牀

帳

枕

被

藏王類絲

絲目

八

寶履堂

席簟

褥

卷三十七

文具類

書

筆

墨

硯

紙

卷三十八

音樂類

樂器

鐘

磬

琴

瑟

箏

琵琶

簫

管

笛

笙

鼓

卷三十九

服飾類

巾

衣

裘

帶

袴

裙

履屐

卷四十

珍寶類

金

玉

珠

珊瑚

錢

簪釵

手釧界指

卷四十一

兵器類

弓

矢

刀

劍

槍

甲 冑

卷四十二

飲食類

茶 酒 穀 餅 菜

筍

卷四十三

卉木類

松 柏 槐 桐 柳

竹 牡丹 芍藥 海棠 梅

桃 桂 菊 蘭 蓮

芝

卷四十四

果實類

桃

李

梅

杏

梨

柿

橘

櫻桃

楊梅

石榴

葡萄

甘蔗

棗

栗

荔枝龍眼

瓜

菱

卷四十五

羽毛類一

鳳

鶴

雁

雉

鷹鷂

孔雀

鵠

鸚鵡

鸚鵡

鳥

鴉

鵲

鳩

雀

燕

鴿

黃鶯

鷺

鷗

鴛鴦

雞

鶩

鴨

卷四十六

羽毛類二

麟

獅子

虎

豹

狼

犀

象

熊

狐

猴

鹿

卷四十七

羽毛類三

馬

駝

驢

牛

羊

狗

兔

豕

猫

鼠

卷四十八

鱗介類一

龍

蛟

鼉

蛇

魚

鰕

卷四十九

鱗介類二

龜

鼈

鼉

蟹

蚌

索三類

糸目

二

寶履堂

蛤

蚌

螺

卷五十

昆蟲類

蠶

蜂

蟬

蝶

螢

蠅

蚊

蜘蛛

蟋蟀

螳螂

蛙

蚓

蟻

穀玉類編總目

錢唐金星
文曜氏刊

穀玉類編卷一

休寧 汪兆舒果齋輯

乾象類

天 風 雷 霞

日 雨 電

月 露 霜

星 霜 霧

雲 雪 虹

天

穹蒼蒼天也。春爲蒼天。夏爲昊天。秋爲旻天。冬爲上天。爾雅

天有九野。中央曰鈞天。東方曰蒼天。東北曰變天。北方曰元天。西北曰幽天。西方曰皓天。西南曰朱天。南方曰炎天。東南曰陽天。呂氏

春秋

有九天。一爲中天。二爲羨天。三爲從天。四爲更天。五爲睟天。六爲廓天。七爲咸天。八爲沈天。九爲成天。太元經

天有五號。尊而君之。則曰皇天。元氣廣大。則稱昊天。仁覆愍下。則稱旻天。自天監下。則稱上天。據遠視之。蒼蒼然。則稱蒼天。尚書說

天有十端。天地陰陽水土金木火人。凡十端。天亦有喜怒之氣。哀樂之心。與人相副。以類合之。天人一也。春秋繁露

天如雞子。地如雞子黃。天大而地小。天表裏有水。天地各乘氣而立。載水而行。周天三百六十五度。四分度之一。又中分之。則半覆地上。半繞地下。故二十八宿。半見半隱。天轉如車轂之運也。晉書天文

西洋之言九重天也。曰最上爲宗動天。天無星辰。每日帶各重天。自東而西。左旋一周。次曰列宿天。次曰填星天。次曰歲星天。次曰熒惑天。次曰太陽天。次曰金星天。次曰水星天。最下曰太陰天。自恒星天以下八重天。皆隨宗動天左旋。然各天皆有右旋之度。自西而東。與蟻行磨上之喻相符。

明史天文志

女媧氏有聖德。諸侯共工氏戰不勝而怒。頭觸不周山崩。天柱折。地維缺。女媧乃鍊五色石以補天。

史記補

帝堯封于唐。夢攀天而上。殷湯將奉天命放桀。夢及天而錫之。漢光武平定河北。夢乘赤龍登天。

宋書符瑞志

鄧訓女綏嘗夢捫天蕩蕩正青若有鍾乳狀乃仰嗽飲之以訊諸占夢言堯夢攀天而上湯夢及天而喏之斯皆聖王之前占吉不可言女後爲和帝皇后

後漢書

文帝元嘉十八年天有黃光洞照於地太子率更令何承天謂之景光太平之祥上表稱慶

宋書

世祖太平眞君二年天有黃光洞照議者僉謂榮光

魏書

齊文宣初封太原郡公行過遼陽山獨見天門開餘無人見者

北史

神宗初侍父英宗入居慶寧宮嘗夢神人捧之登天

宋史

日

日名朱明一曰曜靈一名東君一名大明亦名陽鳥初出爲旭日

昕曰晞日溫曰煦日在午曰停午在未曰昞日晚曰盱日將落日
薄暮日西落反照於東在上曰反景在下曰倒影日御曰羲和廣雅

日爲太陽之精主生養恩德人君之象也人君有瑕必露其慝以

告示焉日月行有道之國則光明人君政太平則日五色晉書天文志

日君象日行一度一年一周天君道至大則日色光明至德之朝

日月如連璧君臣有道則日含王字君亮天工則日備五色有聖

人起則日再中人君有德日有四彗光芒四出日有二彗一年再

赦宋史天文志

孔子東遊見兩小兒鬪辯問其故一兒曰我以日始出去人近日

中時遠也一兒曰日初出遠而日中時近一兒曰日初出大如車

輪及日中。纔如盤盂。此不爲遠者。小而近者大乎。一兒曰。日初出。滄滄涼涼。及日中。如探湯。此不爲近者熱而遠者涼乎。孔子不能決也。兩兒笑曰。孰謂汝多智乎。列子

魯陽公與韓構難。戰酣。日暮。援戈而麾之。日爲之退三舍。淮南子

黃琬少而辨慧。其祖瓊爲魏郡太守。建和元年日食。京師不見。而瓊以狀聞。太后詔問所食多少。瓊思其對而未知所況。琬年七歲。在旁曰。何不言日食之餘。如月之初。後漢書

孫堅妻吳氏。初任子策。夢月入其懷。後孕子權。又夢日入懷。告堅。

堅曰。日月陰陽之精。極貴之象。吾子孫其興乎。宋書符瑞志

高祖嘗遊義興。夜夢天開數丈。有四人朱衣捧日。而至。令高祖開。

口納焉。及覺腹中猶熱。高祖心獨負之。陳書

孝文皇后高氏。幼夢日光照之。灼灼而熱。后東西避之。光猶照不
已。如是數夕。怪之。白其父颺。颺以問遼東閔宗。宗曰。此奇徵也。日
者帝王之象。光照女身。此女將被帝命。誕育人君。后後生世宗。魏書
楊炎未仕時。夢陟山巔。見瑞日在咫尺。舉手捧之。解者曰。此登相
位輔人君之祥。後果應。宣室志

賈隱林爲永平兵馬使。屬朱泚難。率衆扈行在。奏曰。臣嘗夢日墜
以首承之。德宗曰。非朕耶。因令糾察行在。唐書

昭憲皇后杜氏。夢神人捧日以授已。而有娠。生太宗。宋史

太宗李賢妃。嘗夢日輪逼已。以裾承之。光耀遍體。驚而寤。遂生真

宗。

月

月爲太陰之象。以之配日。女主之象。列之朝廷。諸侯大臣之類。君

明。則月行依度。臣執權。則月行失道。

晉書天文志

月闕也。滿則闕也。晦。灰也。月死爲灰。月光盡似之也。朔。蘇也。月死

復蘇生也。弦。月半之名也。其形一旁曲。一旁直。若張弓弦也。望。月

滿之名也。日月遙相望者也。

釋名

政太平。則月圓而多輝。政升平。則月清而明。

禮斗威儀

若月三珥者。大臣有喜。若月冠而復暈者。天下大喜。

軍圖占候

夜光謂之月。月御謂之望舒。

博雅

月穆穆以金波

月光穆穆若金之波流也。漢書

月中何所有白兔擣靈藥

傅元擬天問

羿請不死之藥於西王母姮娥竊以奔月

姮娥羿妻盜藥食之得仙奔入月中。淮南子

孝元皇后母李氏初李親妊政君在身夢月入其懷

政君元后字。漢書

徐孺子年九歲嘗月下戲人語之曰若令月中無物當極明徐曰

不然譬如眼中有瞳子無此必不明

世說

司馬太傅齋中夜坐於時天月明淨都無纖翳太傅歎以爲佳謝

景重在坐曰意謂不如微雲點綴太傅因戲謝曰卿居心不淨乃

復欲滓穢太清耶

袁朗在陳爲秘書郎後主詔爲月賦一篇灑然無畱思後主曰謝

莊不得獨美於前矣。

謝莊嘗作月賦。唐書

開元中中秋夜。方士羅公遠奏曰。陛下莫要至月中看否。乃取杖向空擲之。化爲大橋。請元宗同登。約行數十里。至大城闕。公遠曰。此月宮也。見仙女數百。皆素練寬衣。舞於廣庭。歌霓裳羽衣之曲。帝密記其調。遂回。

唐逸史

耶律得辛幼慧黠。常牧羊熟寢。夢人持日月以食之。已食。月陷口。方半。爲父所觸。而覺。後爲魏王。

遼史

星

星者金之散氣。其本曰人。星衆國吉。少則凶。漢者亦金之散氣。其本曰水。星多多水。少則旱。其大經也。

漢天河也。漢書天文志。

萬物之精上爲列星

說文

瑞星一曰景星如半月有三星赤方氣與青方氣相連黃星在赤方氣中亦名德星二曰周伯黃色煌煌然所見之國大昌三曰含

譽光耀似彗喜則含譽射

晉書天文志

帝堯率舜等升首山遵河渚有五老遊焉蓋五星之精也相謂曰河圖將來告帝以期知我者重瞳黃姚五老因飛爲流星上入昴

宋書符

瑞志

熒惑守心心宋之分野也景公憂之司星子韋曰可移之於相公曰相吾之股肱曰可移於民公曰君者待民曰可移於歲公曰歲飢民困吾誰爲君子韋曰天高聽卑君有君人之言三熒惑宜有

動於是候之果徙三度。史記

漢元年十月五星聚於東井以歷推之從歲星也此高帝受命之

符也。漢書

舊說天河與海通人居海濱者年年八月有浮槎去來人有多齎

糧乘槎而去奄至一處遙望宮中多織婦一丈夫牽牛渚次飲之

此人問是何處答曰訪嚴君平則知之因還至蜀問君平君平曰

某年月日有客星犯牽牛宿計其年月正此人到天河時也。博物志

李邵漢中南鄭人善風星縣召署幕門候吏和帝分遣使者微行

至州縣觀採風謠使者二人當到益部投邵候舍時夏夕露坐邵

因問曰二君發京師時寧知朝廷遣二使耶二人默然曰不聞也

問何以知之。邵指星示云。有二使星向益州分野。故知之耳。後漢書

太祖乾德五年三月五星聚奎。初周顯德中竇儼與盧多遜楊徽之同任諫官。儼嘗謂之曰。丁卯歲五星聚奎。自此天下太平。二拾遺見之。儼不與也。卒如其言。宋史

周克明爲司天丞。真宗景德三年有大星出氐西。衆莫能辨。或言妖星。克明請對言其星名曰周伯。所見之國大昌。是德星也。聞中外之人頗惑。願許文武稱慶以安天下。心上從其請。

洪武二十一年二月丙寅有星出東壁。占曰文士効用。帝大喜。以爲將策進士兆也。明史

雲

若烟非烟。若雲非雲。郁郁紛紛。蕭索輪囷。是謂卿雲。卿雲見喜氣也。史記

瑞氣。一曰慶雲。亦曰景雲。此喜氣也。太平之應。二曰歸邪。如星非星。如雲非雲。見必有歸國者。三曰昌光。赤如龍狀。聖人起。帝受終

則見。晉書天文志

韓雲如布。趙雲如牛。楚雲如日。宋雲如車。魯雲如馬。衛雲如犬。周雲如車輪。秦雲如行人。魏雲如鼠。鄭雲如絳衣。越雲如龍。蜀雲如困車。

山雲草莽。水雲魚鱗。旱雲烟火。雨雲水氣。無不比類其所生以示

人。呂氏春秋

雲師謂之豐隆。博雅

雲外赤內青。謂之喬雲。雪雲曰同雲。雲將雲之帥。初學記

天漢三年。月氏國獻神香。使者曰。國有常占。東風入律。百旬不休。青雲干呂。連月不散。意中國有好道之君。故貢神香。十洲記

黃帝初受命。有雲瑞。乃以雲名官。春官爲青雲。夏官爲緡雲。秋官爲白雲。冬官爲黑雲。中官爲黃雲。通鑑

虞帝時。慶雲興。百工相和而歌。慶雲。帝乃倡之曰。慶雲爛兮。糺縵縵兮。日月光華。旦復旦兮。宋書符瑞志

高祖初隱芒碭山間。呂后與人求。常得之。高祖怪問之。后曰。季所居上。常有雲氣。故從往。常得季。史記

太祖初爲荊州刺史江陵城上有紫雲望氣者以爲帝王之符

南史

宋文

帝紀

宋大明元年景陽樓上層梁拱間有紫氣孝武改景陽樓爲慶雲

樓

南史

明帝泰始四年宣太后陵前後數有五色雲又五采雲在松上狀

如車蓋

宋書

高宗興光元年有雲五色所謂景雲太平之應也

魏書

太祖微時客漢東依董宗本宗本子遵誨謂太祖曰每見城上紫雲如蓋此何祥也及太祖卽位一日召遵誨諭之曰卿尚記往日

紫雲乎

宋史

金主莫賢於世宗。慶雲環日者三。皆見於世宗之世。金史

石抹厚孫守婺州。久不下。太祖自將擊破之。婺州降。先一日。城中人望見城西五色雲如車蓋。以爲異。及是。乃知爲太祖駐兵地。明史

風

南風謂之凱風。東風謂之谷風。北風謂之涼風。西風謂之泰風。焚輪謂之頽。扶搖謂之焱。迴風爲飄。日出而風爲暴。風而雨土爲霾。陰而風爲暄。爾雅

八節之風。謂之八風。立春條風至。春分明庶風至。立夏清明風至。夏至景風至。立秋涼風至。秋分閭闔風至。立冬不周風至。冬至廣莫風至。易緯

風師謂之飛廉博雅

汝聞地籟而未聞天籟夫大塊噫氣其名爲風是惟無作作則萬

竅怒呿前者唱于而隨者唱喁冷風則小和飄風則大和莊子

冥海有鵬搏扶搖羊角而上者九萬里扶搖上行風也羊角風曲上行若羊角

虎嘯則谷風至淮南子

長安靈臺上有相風銅鳥千里風至此鳥乃動三輔黃圖

沮陽縣黃竹山其西北一處常肅肅有風名曰風門宜都佷山縣

山上有風穴口大數尺名曰風井荊州記

覬五兩之動靜覬候風也楚人謂之五兩郭璞江賦

列禦寇御風而行嘗以立春日歸乎八荒立秋日遊乎風穴是風

至卽草木皆生。去則草木皆落。謂之離合風。述異記

楚襄王遊蘭臺之宮。有風颯然而至。王披襟而當之。曰。快哉此風。寡人與庶人共者耶。宋玉曰。此獨大王之風耳。庶人安得而共之。雄風則飄舉升降。乘凌高城。入於深宮。故其風中人。清清泠泠。愈病析醒。發明耳目。寧體便人。此所謂大王之雄風也。夫塤然起於窮巷之間。動沙樞。吹死灰。此庶人之雌風也。宋玉風賦

俗謂風曰孟婆。按北齊李騊駼聘陳。問陸士秀曰。江南有孟婆。何神也。士秀曰。山海經。帝之女遊於江中。出入必有風自隨。以帝女故。曰孟婆。猶郊祀志以地神爲秦媼。潛確類書

鄭弼嘗採薪。得一遺箭。頃有人覓弼。還之。問何所欲。弼識其神人。

也。曰：常患若耶溪載薪爲難。願旦南風，暮北風，後果然。至今呼爲

鄭公風。會稽記

宋明帝體肥憎風。拜左右二人爲司風令。史風起，方向輒先啟聞。
南史

岐王宮中，於竹林內懸碎玉片。每聞相觸聲，卽知有風。號占風鐸。

開元遺事

唐崔元微月夜見青衣女。曰：陶氏李氏楊氏。緋衣女曰石醋醋。謂

崔曰：女伴在苑中，被惡風相撓，當求封家十八姨相庇。處士歲旦

作一幡，上圖日月五星，立苑東，則免難矣。崔如其言。後東風刮地

折木，而苑中花不動。方悟女伴乃花之精。封姨乃風神也。
傳異記

王鼎宰縣時有暴風舉臥榻空中鼎無懼色但覺枕榻俱高乃曰
吾中朝端士邪無干正可徐置之須臾榻復故處風遂止遼史

石尤風者傳聞石氏嫁尤郎尤爲商遠出石憶之病臨亡曰恨不
阻其行以至死後當作大風爲天下婦人阻之自後商旅逆風

則曰石尤風

江湖記聞

太祖征陳友諒攜周顛行舟次安慶無風遣使問之曰行則有風
遂命牽舟進須臾風大作直抵小孤明史

謝子襄治處州有盜竊官鈔子襄檄城隍神盜方閱鈔密室忽疾
風捲墮市中盜卽伏罪

雨

雨師曰屏翳

廣雅

零陵山有石燕羣飛則大雨將至

地輿志

夷陵有陰陽石陰石常潤陽石常燥旱則鞭陰石必雨久雨鞭陽

石則止

武昌記

小雨曰霖霖雨三日已上曰霖久雨曰霪暴雨曰凍雨時雨曰澍

雨雨與雪雜下曰霰

爾雅

斗鄉西津有玉女岡天當雨輒先涌五色氣於石間俗謂玉女披

衣

述異記

商王湯時大旱七年湯親齋戒禱於桑林之野以六事自責曰政
不節與民失職與宮室崇與女謁盛與包苴行與讒夫昌與言未

既大雨方數千里。通鑑

武王伐紂。天大雨。散宜生曰。此其妖與。王曰。非也。天洗兵也。說苑

僖公三年六月雨。雨云者。喜雨也。喜雨者。有志乎民者也。春秋穀梁傳

孔子將近行。命從者持蓋。已而果雨。巫馬期問曰。旦日出而夫子

命持雨具。敢問何以知之。孔子曰。昨暮月宿畢。詩不云乎。月離于

畢。俾滂沱矣。以此知之。孔子家語

昆明池刻玉石爲魚。每至雷雨。魚常鳴吼。鬣尾皆動。漢世祭之以

祈雨。往往有驗。西京雜記

鄭弘爲鄒令。勤行德化。魯國當春大旱。五穀不豐。鄒獨致雨。偏熟。

遷淮陰太守。消息徭賦。政不煩苛。行春大旱。隨車致雨。後漢書

管公明過清河時天旱太守問何當有雨公明曰今夕當大雨至日向暮了無雲氣衆並謹嗷公明言樹中已有少女微風陰鳥和鳴其應至矣須臾雲氣四起大雨傾注

世說

束皙陽平元城人郡界大旱皙爲邑人請雨三日而雨注衆謂皙誠感作歌曰束先生通神明請天三日甘雨零我黍以育我稷以生何以酬之報束長生

晉書

佛圖澄妙通元術石季龍時大旱遣其太子詣臨漳西滏口祈雨久而不降乃令澄自行卽有白龍二頭降祠所其日大雨方數千里

虞寄起家梁宣城王國常侍大同中嘗驟雨殿前往往有雜色寶

珠梁武觀之甚有喜色。寄因上瑞雨頌。陳書

達奚武以太保出爲同州刺史。時天旱。高祖勅武祀華嶽。嶽廟舊在山下。武曰。吾必登峰展誠。武攀藤援枝。然後得上。於是稽首祈請。晚於嶽上藉草而宿。夢一白衣人來。執武手曰。快。辛苦甚。相嘉尚武。驚覺。益祇肅。至旦。雲霧四起。俄而澍雨。遠近霑洽。周書

田仁會爲平州刺史。歲旱。自暴以祈。而雨大至。穀遂登。人歌曰。父母育我。今田使君挺精誠。今上天聞。中田致雨。今山出雲。倉廩實。今禮義申。願君常在。今不患貧。唐書

顏真卿爲監察御史。使河隴。時五原有冤獄。久不決。天且旱。真卿辨獄而雨。郡人呼御史雨。

段文昌節度江南州。或旱。禱解必雨。或久雨。遇出游。必霽。民爲語曰。旱不苦。禱而雨。雨不愁。公出游。

時關司斂率尤繁。商人苦之。屬近甸亢旱。一日宴於北苑。烈祖謂侍臣曰。畿甸雨。都城不雨。何也。得非獄市之間。違天意與。申漸高乘談諧進曰。雨懼抽稅。不敢入京。烈祖大笑。卽下令除一切額外稅。信宿之間。膏澤告足。南唐書

王素知諫院。京師旱。請仁宗禱於郊。仁宗曰。太史言月二日當雨。將以旦日禱。素曰。臣度是日必不雨。陛下知其且雨而禱之。應天不以誠。帝曰。然則詣醴泉觀。素曰。醴泉近耳。豈憚暑不遠出耶。帝悚然。詔詣西太乙宮。命素扈從。日甚熾。比輿駕還。未薄城。天大雷。

電而雨。宋史

汪應辰進士第一人。趙鼎爲帥。幕府事諮焉。歲旱。命應辰禱雨名山。卽應。越人曰。此相公雨。鼎曰。不然。乃狀元雨也。

王伯勝拜遼陽行省平章政事。歲大旱。伯勝齋戒以禱。禱畢卽雨。人謂之平章雨。元史

宇文公諒同知餘姚州事。夏不雨。公諒出禱。輒應。民頌之。以爲別駕雨。

王英進禮部侍郎。浙江民疫。遣祭南鎮。時久旱。英至大雨。民呼侍郎雨。明史

魏驥在吏部。法司因旱恤刑。有王綱者。惡逆當辟。或憫其少。欲緩

之驥曰。此婦人之仁。天道不時。正此故也。獄決而雨。

露

孟秋之月。白露降。禮記

王者施德惠。則甘露澤其草木。其凝如脂。其甘如飴。一名膏露。一

名天酒。春秋瑞應圖

甘露。王者德至大。和氣盛。則降。耆老見敬。則柏受甘露。尊賢愛老。

則竹葦受甘露。宋書符瑞志

高辛時。丹邱國獻瑪瑙瓊。以盛甘露。至堯時。盈而不竭。謂之寶露。

至舜時。露已漸減。舜遷襄於衡山之下。故衡嶽有寶露壇。時有雲

氣生焉。拾遺記

漢武帝作承露盤以銅爲之。上有仙人掌以承露。和玉屑飲之。云可以長生。通鑑

宣帝元康元年。甘露降未央宮。大赦。以甘露連降。改元爲甘露。漢書

甘露降士林館。謝蘭獻頌。高祖嘉之。梁書

陳宣帝大建七年。甘露降樂遊苑。輿駕幸苑。採甘露宴羣臣。詔於

苑龍舟山立甘露亭。南史

李懸爲貝州刺史。甘露徧庭樹。其邑人曰美政所致。唐書

林攢母亡。廬塚有甘露降。觀察使遣官屬驗實。會露晞。里人失色。

攢哭曰。天所降露。禍我耶。俄而露復集。

曾魯以文學聞於時。洪武五年。甘露降鍾山。羣臣以詩賦獻。帝獨

褒魯。明史

霜

白露爲霜。詩經

駟見而實霜。實霜而冬裘具。國語

豐山有九鐘。是知霜鳴。霜降則鐘鳴故言知。山海經

秋三月。青女乃出以降霜。青女天神主霜雪者。淮南子

履霜操。伯奇所作也。其父尹吉甫。聽後妻之言逐之。伯奇清朝履

霜而自傷。援琴作此。琴操

鄒衍事燕惠王。盡忠。左右譖之下獄。衍仰天而哭。時夏六月。天爲

之降霜。淮南子

宋天聖中盛冬濃霜屋瓦皆成百花之狀以紙摹之如畫春明退朝錄

曷魯事睿宗睿宗西征在道絕汲曷魯晨起聚草上霜煮羹以進

睿宗曰何從得水因告之故師還賜金帛甚厚元史

雪

凡草木花多五出雪花獨六出韓詩外傳

景公時雨雪三日公披狐白之裘晏子入公曰怪哉雨雪三日不

寒晏子曰古之賢君飽而知人飢溫而知人寒公曰善出裘發粟

以與飢寒者晏子春秋

袁安時大雪洛陽令出案行至安門無行路令人除雪入戶見安

僵臥問何以不出安曰大雪人皆餓何爲出而干人汝南先賢傳

太康二年冬大雪。南州人見二白鶴於橋下。語曰。今茲寒不減堯崩年。於是飛去。異苑

宋大明五年元日。花雪降殿廷。時右衛將軍謝莊下殿。雪集衣。還白上以爲瑞。於是公卿並作花雪詩。史臣按詩云。先集爲霰。韓詩曰。霰英也。則霰爲花雪矣。宋書

謝惠連爲雪賦。以高麗見奇。

黃門侍郎劉璠嘗臥疾居家。對雪興感。作雪賦以遂志。周書

蕭志忠爲晉州刺史。欲出獵。有樵者見羣獸哀請於九冥使者。使者曰。若令滕六降雪。翼二起風。則蕭使君不出矣。翼日未明。風雪

大作。幽怪錄

唐明宗寬仁歲嘗旱已而雪暴坐庭中詔武德司宮中無得掃雪
曰此天所以賜我也五代史

十二月大雨雪太宗御玉華殿詔宰臣及近臣曰春夏以來未嘗

飲酒今得此嘉雪思與卿等同醉又出御製雪詩令侍臣屬和宋史

耶律楚材通天文術數夏六月太祖討回回國禡旗之日雨雪三

尺帝疑之楚材曰元冥之氣見於盛夏克敵之徵也後果驗元史

許維禎爲淮安總管府判官是年冬無雪父老言於維禎曰冬無

雪民多疾奈何維禎曰吾當爲爾禱已而雪深三尺

太祖御製咏雪詩云臘前三白曠無涯知是天公降六花九曲河

深凝底凍張騫無處再乘槎一統鴻基兆於此矣明梅殷備忘錄

雷

陰陽相薄。感而爲雷。疾而爲霆。穀梁傳

雷于天地爲長子。尚書洪範五行傳

震伯夷之廟。罪之也。於是展氏有隱慝焉。左傳

庶女叫天。而雷電下。擊齊景公臺。隕支體傷折。淮南子

子路感雷精而生。好勇。涉衛難而死。孔子每聞雷聲。中心惻怛。論衡

楚膏梁子。遊九臯之澤。疾風暴雨。霹靂下臻。乃援琴而鼓。作霹靂

引。琴操

蔡順母平生畏雷。母亡後。每有雷震。順輒園冢泣曰。順在此。後漢書

夏侯太初嘗倚柱作書。時大雨霹靂。破所倚柱。衣服焦然。神色無

變書亦如故。世說

薛孤延驍果。逢天雷震地。火燒浮圖。神武令延視之。延按稍直前。大呼繞浮圖走。火遂滅。神武歎曰。延乃能與霹靂鬪。北史

查道初遊五臺。將爲僧。一夕震雷破柱。道坐其下了。無怖色。寺僧異之。咸勸以仕。宋史

劉伯正爲監察御史。有事於明堂。雷電忽至。執事者鮮不離次。伯正紳笏儼然。聲色不動。寧宗遂以大任期之。

邱處機被召見太祖。一日雷震。太祖問處機。對曰。雷天威也。人罪莫大於不孝。故天威震動。似聞境內不孝者多。陛下宜明天威。以導有衆。太祖從之。元史

電

仲春之月始電。禮記

貫列缺之倒景兮。

列缺天閤也。司馬相如大人賦

陰氣伏於黃泉。陽氣上通於天。陰陽分爭。故爲電。莊子

東王公與玉女投壺。臯出而脫悞不接者。天爲之笑。

天笑者電光是。神異經

陸昭符爲常州刺史。一日雷雨猝至。電光如金蛇繞案。吏卒皆震

仆。昭符神色自若。撫案叱之。雷電遽散。及舉案。惟得鐵索重百斤。

昭符命納庫中。南唐書

宗澤母劉夢天大雷電。光燭其身。翼日而澤生。宋史

電

符
大臣擅法則雨雹魯宣制於公子遂魯昭制於季氏雹宜也春秋感精

河西大雨雹大者如斗安帝召孔季彥問其故對曰此陰乘陽之徵也今貴臣擅權母后黨盛陛下宜修聖德慮此二者帝默然後漢

書

韓稜為下邳令吏人愛慕時鄰縣皆雹傷稼稜縣界獨無雹東觀漢記

王崇陽夏雍邱人兄弟並以孝稱是年陽夏風雹所過之處禽獸

暴死草木摧折至崇田畔風雹便止禾麥十頃竟無損落及過崇

地風雹如初魏書

紹興十七年五月初臨安大雨雹太學屋瓦皆碎學官中朝廷不

敢言雹。稱為硬雨。軒渠錄

順帝至元二年。寶應縣大雨雹。是時淮浙皆旱。惟本縣瀕河田禾可刈。悉為雹所害。凡田之旱者。無一雹及之。元史

霧

地氣發。天不應。曰霧。霧謂之晦。爾雅

燕昭王七年。沐胥國來朝。有道術人名尸羅。噴水為霧。霧暗數里間。俄復吹為疾風。霧霧皆止。拾遺記

成帝以王鳳為大將軍。又封太后弟崇為安成侯。鳳庶弟譚等皆賜爵關內侯。其夏。黃霧四塞。終日。天子以問諫大夫博士等。對皆以為陰盛侵陽之氣。漢書

張楷好道術。能作五里霧。時關西人裴優亦能爲三里霧。自以不如楷。從學之。楷避不見。後漢書

世宗正始二年。陰霧四塞。初黑。後赤。三年。土霧四塞。延昌元年。黃霧蔽塞。時高肇以外戚見寵。兄弟受封。同漢之五侯也。魏書

劉雄鳴。每出行。雲霧中失道。不迷惑。時人因謂能爲雲霧。魏畧

高麗國人呼霧爲空步障。博學記

僕散忠義爲副元帥。追窩斡於裒嶺。時昏霧四塞。跬步莫覩物色。忠義禱曰。狂寇肆暴。天不助惡。當爲聞霽。莫已昏。霧廓然。忠義大

敗之。金史

虹

蟬螭謂之零。蟬螭虹也。爾雅

蜺雌虹也。一名挈貳。凡虹雙出。色鮮盛者為雄。雄曰虹。闇者為雌。

雌曰蜺。

季春之月。虹始見。孟冬之月。虹藏不見。禮記

古有夫妻。荒年菜食而死。化成青虹。故俗呼美人虹。異苑

昔虹貫牛山。管仲諫桓公無近妃宮。後漢書

聶政之刺韓傀也。白虹貫日。戰國策

荆軻慕燕丹之義。白虹貫日。太子畏之。史記

李雄母羅氏夢雙虹自門升天。一虹中斷。既而生蕩。又生雄。蕩前

死。雄遂王蜀。晉書

晉時晉陵薛願家有虹飲其釜中水須臾而竭願因以酒祝而益之虹復飲盡吐金滿釜而去

述異記

霞

崑崙山有五色水赤水之氣上蒸爲霞陰而赫然

河圖

日者霞之實霞者日之精餐霞之道甚秘致霞之道甚易

十洲記

燕昭王二年海人乘霞獻龍膏

拾遺記

大中年日本國王子來朝云國東三萬里有集真島島上有凝霞

臺

杜陽編

嘉王類系

卷之一

三

望履堂

穀玉類編卷一

穀玉類編卷二

休寧 汪兆舒果齋輯

時令類

歲時	春	立春	元日	燈節
清明	夏	端陽	三伏	秋
七夕	中秋	九日	冬	冬至
歲除				

歲時

春之爲言蠢也。萬物蠢然而生也。夏。假也。寬假萬物使生長也。秋。緡也。緡迫萬物使時成也。冬。終也。物終成也。釋名

神農氏治天下立四時之序。尸子

唐虞曰載。夏曰歲。商曰祀。周曰年。爾雅

春爲青陽。夏爲朱明。秋爲白藏。冬爲元英。四時和謂之玉燭。

太歲在甲曰闕逢。在乙曰旃蒙。在丙曰柔兆。在丁曰強圉。在戊曰
著雍。在己曰屠維。在庚曰上章。在辛曰重光。在壬曰元默。在癸曰
昭陽。太歲在寅曰攝提格。在卯曰單閼。在辰曰執徐。在巳曰大
荒落。在午曰敦牂。在未曰協洽。在申曰涒灘。在酉曰作噩。在戌曰
閹茂。在亥曰大淵獻。在子曰困敦。在丑曰赤奮若。月在甲曰畢。
在乙曰橘。在丙曰修。在丁曰圉。在戊曰厲。在己曰則。在庚曰室。在
辛曰塞。在壬曰終。在癸曰極。正月爲陬。二月爲如。三月爲寤。四
月爲余。五月爲臯。六月爲且。七月爲相。八月爲壯。九月爲元。十月

爲陽十一月爲辜十二月爲涂

春

春曰青陽。亦曰芳春。青春。陽春。三春。九春。時曰良時。嘉時。芳時。節曰華節。芳節。良節。嘉節。韶節。淑節。正月孟春。亦曰孟陬。上春。獻

春。首春。獻歲。二月仲春。亦曰仲陽。三月季春。亦曰暮春。末春。晚春。

梁元帝

纂要

東方者。動方也。何以謂之春。春出也。物之出。故謂東方。尚書大傳

立春

農祥晨正。國語

立春之日。京師百官。皆衣青衣。郡國縣道官。下至令史。皆服青幘。

立青幡。施土牛耕人於門外。以示兆民。下寬大書曰。制詔三公。方春東作。敬始慎微。動作從之。罪非殊死。且勿案驗。後漢書

立春日。取引農宜陽金門山竹爲管。河內葭草爲灰。以候陽氣。物理

論

距冬至四十五日。天子迎春於東堂。堂高八尺。堂階三等。青稅八乘。旗旄尚青。田車載矛。號曰助天生。唱之以角。舞之以羽翟。此迎

春之樂也。

皇覽逸禮

立春日貯水。謂之神水。釀酒不壞。四時纂要

立春日。悉剪綵爲鷲戴之。貼宜春二字。荆楚歲時記

立春日。自郎官御史長貳以上。皆賜春幡勝。以羅爲之。宰執親王

近臣皆賜金銀幡勝入賀訖戴歸私第。夢華錄

景龍四年立春上令侍臣至望春宮迎春內出綵花樹人賜一枝。

景龍文

館記

唐人立春日作春餅生菜號春盤。四時寶鏡

元日

歲朔常設葦莢桃梗磔雞於宮及百司之門以禳惡氣。宋書

元日亦曰上日正朝三元庭前爆竹進椒柏酒服桃湯造五辛盤。

造桃板着戶謂之仙木洛陽人家正旦造絲雞蠟燕粉荔枝故宋

人賀正旦啟曰瑞雲餞臘粉荔迎年。玉燭寶典

岳州白元正獻歲鄰里以飲宴相慶至十二日罷謂其日爲雲開

節。風土記

屠蘇草菴名。昔有人居菴中。每歲除夕。遺里閭藥一劑。至元日合

家飲之。不病瘟疫。謂之屠蘇酒。

歲華紀麗

長安風俗。元日以後。遞作飲食相邀。號傳座。

南部新書

邯鄲之民。以正月之旦。獻鳩於趙簡子。簡子悅。厚賞之。客問其故。

簡子曰。正旦放生。示有恩也。

列子

漢儀有正會禮。魏正會用漢儀。又設百華燈。晉氏受命。元會儀兼

採衆代。設白虎樽於殿廷。若有能獻直言者。則發此樽飲酒。

晉書

岑文本爲秘書郎。太宗元日朝羣臣。文本奏三元頌。文致華瞻。

唐書

燈節

漢以孟春望日祠太一。從昏時到明。今夜遊觀燈。是其遺迹。藝文類聚

唐上元夜。宮人以黃羅包柑。遺近臣。謂之傳柑宴。歲時記

睿宗先天中。正月十五六七夜。於安福門外。作燈輪高二十丈。衣

以錦綺。飾以珠玉。燃五萬盞燈。宮女於燈輪下踏歌。三日夜。朝野僉載

明皇在東都。遇正月望。移仗上陽宮。大陳燈影。時有巧匠毛順。結

繒綵為燈樓二十間。開元遺事

開元十八年正月望日。帝謂葉法師曰。四方此夕。何處最麗。對曰。

無踰廣陵。帝曰。何術以觀之。師曰。可。俄而虹橋起於殿前。師奏無

回顧。於是帝步而上。太真及樂官數人從行。俄頃到廣陵。士女皆

仰面曰。仙人見雲中。帝勅伶官奏霓裳羽衣一曲而還。後數日。廣

陵果奏云

幽怪錄

自唐以後常於正月望夜開坊市門然燈宋因之上元前後各一日城中張燈天子御樓或御東華門飲從臣其夕開城門達旦縱士女觀後增至十七十八夜

宋史

蔡君謨守福州命民間一家點燈七盞陳烈作大燈長丈餘大書云富家一盞燈太倉一粒粟貧家一盞燈父子相對哭風流太守知不知猶恨笙歌無妙曲君謨見之還興罷燈

黽氏客話

章懋爲編修憲宗將以元夕張燈命詞臣撰鰲山烟火詩詞進奉懋與同官黃仲昭檢討莊杲疏諫曰伏讀宣宗皇帝御製翰林箴有曰啟沃之道惟義與仁堯舜之道鄒魯以陳張燈豈堯舜之道

詩詞豈仁義之言。若謂烟火細故。不足爲聖德累。則舜何必不造漆器。禹何必不嗜旨酒。漢文何必不作露臺。古帝王謹小慎微。必矜細行者。正以欲不可縱。漸不可長也。伏乞將烟火停止。移此視聽。以明目達聰。省此貲財。以振饑恤困。則災祲可銷。太平可致。帝以元夕張燈。祖宗故事。惡懋等妄言。並杖之。左遷其官。修撰羅倫先以言事被黜。時稱翰林四諫。明史

清明

去冬至一百五日。卽有疾風甚雨。謂之寒食。據歷合在清明前二

日。荆楚歲時記

禁火乃周之舊制。唐宋清明日賜新火。亦周人出火之義。會要

清明節唐中宗命侍臣爲拔河之戲以大麻絙兩頭繫千條小繩

數人執之爭輓以力弱者爲輸

景龍文館記

蘇軾在黃州夢詩句云寒食清明都過了石泉槐火一時新夢中

曰火固新矣泉何以新答曰俗以清明淘井故云

東坡志林

董師中官叅政以寒食乞過家上冢世宗許之且命賦寒食還家

上冢詩

金史

夏

夏曰朱明亦曰朱夏炎夏節曰炎節四月孟夏亦曰首夏五月仲

夏六月季夏亦曰徂暑

梁元帝纂要

夏則火王其精在天溫煖之氣養生百木

前漢書

收恢台之孟夏

夏以長物恢台長養也。楚辭

或問不熱之道。答曰。以立夏之日。服六壬六癸之符。或服元冰之丸。或服飛霜之散。暑不能侵也。幼伯子王仲都。衣以重裘。暴以夏日。周以十爐。身不流汗。蓋用此方。抱朴子

端陽

五月五日午時。爲天中節。

提要錄

五月五日爲地臘。

道書

或問辟五兵之道。曰。以五月五日。作赤靈符。著於心前。

抱朴子

五月五日。民有鬪百草之戲。採艾以爲人。懸門戶上。以禳毒氣。是日競渡。採雜藥。以五彩絲繫臂。名曰辟兵。令人不病瘟。又有織組。

雜物以相贈遺

荆楚歲時記

屈原五月五日投汨羅水。楚人哀之。至此日以筒貯米投水祭之。漢建武中。長沙歐曲忽見一人。自稱三閭大夫。曰。聞君當見祭。甚善。常年為蛟龍所竊。今當以楝葉塞其上。彩絲纏之。此二物蛟龍所憚。曲依其言。今五月五日作糉。帶楝葉五色絲。其遺風也。續齊諧記

仲夏端午。烹鶩角黍。端始也。謂五月初五日也。以菰葉裹黏米煮

熟。謂之角黍。

風土記

唐制。揚州每年端午日。貢江心所鑄鏡。

舊唐書

五月五日。君臣宴樂渤海。膳夫進艾饌。以五彩絲為索。纏臂。謂之合歡結。又以綵絲宛轉為人形。簪之。謂之長命縷。遼史

三伏

伏者何也。金氣伏藏之日也。四時代謝。皆以相生。立春木代水。水生木。立夏火代木。木生火。立冬水代金。金生水。至於立秋。以金代火。金畏於火。故至庚日必伏。庚者。金故也。歷忌釋

從夏至後第三庚爲初伏。第四庚爲中伏。立秋後初庚爲後伏。謂之三伏。曹植謂之三旬。陰陽書

秦德公三年。初爲伏祠。史記

伏日作湯餅。名爲辟惡。荆楚歲時記

劉松北鎮袁紹軍。與紹子弟。嘗以三伏之際。酣飲極醉。至於無知。云以避暑。故河朔有避暑飲。典論

歷城北有使君村。魏正始中，鄭公愨三伏之際，每率賓僚避暑於此，取大蓮葉盛酒，刺令柄通，持喻之，名碧筒酒。西陽雜俎

郗嘉賓嘗三伏之月詣謝公。時炎暑熏赫，諸人雖當風交扇，猶沾汗流漓。謝著故絹衣，食熱白粥，晏然無異。世說

趙郡王叡領兵監築長城。於時六月，叡途中屏蓋扇，親與軍人同勞苦。定州先常藏冰，長史以叡冒熱，送冰。叡歎曰：「三軍飲溫水，吾何義獨進寒冰？」遂至銷液，竟不一嘗。北史

吾家掌出納人杜徽之。夏日嘗隨莫月鼎入西山，至湖上，熱甚。月鼎曰：「吾借一傘與汝共戴。」乃向空噓氣，忽雲一穗隨而覆之。霏雪錄

秋

秋曰白藏亦曰素秋。素商。高商時曰淒辰。霜辰。七月孟秋亦曰首秋。上秋。肇秋。蘭秋。八月仲秋亦曰仲商。九月季秋亦曰暮秋。末秋。

杪秋。梁元帝纂要

萬物非秋不收。尚書大傳

壯士悲秋感陰氣也。毛詩傳

秋曰庚辛庚更也辛新也言物皆更改而新也。三禮義宗

一時為三月一月為一秋三月為三秋又一月為三秋故三月有

九秋之名也。陰陽五行歷正

七夕

成武丁有仙道謂其弟曰七月七日織女當渡河吾被召與爾別

矣曰織女何事渡河答曰織女暫詣牽牛世人云嫁牽牛也

續齊諧記

漢采女常以七月七日穿七孔鍼於開襟樓俱以習之

西京雜記

七月七日曝經書設酒脯時果散香粉於筵上所請於河鼓織女

言此二星神當會守夜者咸懷私願或云見天漢中有奕奕正白

氣如地河之波輝輝有光曜五色以此爲徵應見者便拜乞願三

年乃得

四民月令

七夕俗以蠟作嬰兒浮水中以爲戲爲婦人生子之祥謂之化生

本出於西域謂之摩睺羅唐詩曰水拍銀盤弄化生

歲時紀事

洛陽人間乞巧造明星酒裝同心繪

金門歲節記

蔡州丁氏女精女工每七夕禱以酒果忽有若流星墜筵中明日

瓜果上得金梭。自是巧思益進。談苑

中秋

中春晝擊土鼓吹豳雅以迎暑。中秋夜迎寒亦如之。周禮

八月十五爲月夕。提要錄

蘇頌嘗八月十五夜禁中直宿與諸學士翫月時長天無雲月色如晝。蘇曰清光可愛何用燈燭遂令撒去。天寶遺事

晏元獻守南都王君玉爲府僉判遇中秋陰晦齋廚宿備公適無

命君玉函詩以入曰只在浮雲最深處試憑絃管一吹開公大喜

起行客廨治具大合樂至夜分月果出遂樂飲達旦。石林詩話

蘇子瞻與客遊金山適中秋月色如晝遂登山頂之妙高臺命歌

者歌水調歌頭曰明月幾時有把酒問青天公爲起舞

潛確類書

宋淳熙元年八月十五日孝宗過德壽宮起居上皇遂畱賞月宴

香遠堂南岸列女樂北列男樂月上簫韶齊作上皇召小劉妃吹

白玉笙霓裳中序侍宴開府曾覲進壺中天詞上皇大喜

西湖游覽志

趙知微有道術中秋積陰不解衆惜良夜知微曰可借酒殺登天

柱峰翫月旣出門天色開霽及登峰月色如晝至下山歸則陰晦

如故也

三水小牘

永樂中中秋開宴不見月聖情不懌學士解縉口占風落梅一闕

云姮娥面今夜圓下雲簾不著臣見揀今宵倚闌不去眠看誰過

廣寒宮殿上覽之歡甚爲停杯以待夜午月復明上大笑曰解縉

真才子奪天手也。命宮人滿酌，宜勸盡歡而罷。七修類稿

九日

汝南桓景隨費長房遊學。長房謂曰：「九月九日，汝家當有災，宜急去。」令家人各作絳囊，盛茱萸以繫臂。登高飲菊花酒，此禍可消。景如言，舉家登山。夕還，見雞犬牛羊暴死。長房聞之曰：「此可代也。」世人九日登高飲酒，帶茱萸囊，蓋始於此。續齊諧記

孟嘉爲大司馬桓溫參軍。九月九日，溫燕龍山，僚佐畢集。有風至，吹嘉帽墮落，嘉不之覺。晉書

陶潛嘗九月九日無酒，出宅邊菊叢中坐久。值江州刺史王弘送酒至，即便就酌，醉而後歸。宋書

韋綬以翰林學士感疾還第。九月九日，德宗爲黃菊歌曰：「安可不示韋綬。」遣使持往。綬遽奉和。唐書

劉夢得作九日詩，欲用餠字。以五經中無此字，輒不復爲。宋子京以爲不然，故九日食餠詩。飈館輕霜拂曙袍，糗資花飲鬪分曹。劉郎不敢題餠字，空負詩家一代豪。遂爲古今絕唱。邵氏聞見後錄

重九日，天子率羣臣部族射虎。少者爲負，罰射畢，擇高地卓帳，賜蕃漢臣僚飲菊花酒，兔肝爲齏，鹿舌爲醬，又研茱萸酒，洒門戶，以

膾饗。遼史

民間九日，以粉麵蒸餠，上置小鹿數枚，號食祿餠。荆楚歲時記

冬

冬曰元英時曰寒辰節曰嚴節十月孟冬亦曰上冬陽月十一月仲冬十二月季冬亦曰杪冬除月梁元帝纂要

北方者物之伏方也何以謂之冬冬中也物方藏於中也故曰北

方冬也

尚書大傳

冬終也物終藏乃可稱

漢書律歷志

十月天氣和暖似春故名曰小春

荆楚歲時記

冬至

日南至公登觀臺以望而書禮也凡分至啟閉必書雲物為備故也

左傳

冬至日南至景極長陰陽日月萬物之始律當黃鐘其管最長故

有履長之賀。

玉燭寶典

先後冬至各五日買白犬養之以供祖禰。

四民月令

冬至夜子時梳頭一千二百以贊陽氣終歲五臟流通名為神仙

洗頭法。

焦氏類林

冬至朝賀享祀皆如元日之儀又進履襪作赤豆粥。

宋書

宮中以女工揆日長短冬至後日漸長比常日增一線之工。

唐雜錄

都人最重一陽賀冬九街車馬詣廟炷香罷市三日垂簾飲博名

曰做節。

武林舊事

歲除

前歲一日擊鼓驅疫癘之鬼謂之逐除亦曰儺。

呂氏春秋

歲除日儺。皆作鬼神狀。二老人儺翁儺母。

秦中歲時記

李畋鄰人仲叟家。爲山魃所祟。叟求報謝而妖彌盛。畋謂曰。公於夜中若除夕爆竹數十竿。叟然其言。爆竹至曉。妖遂止。

異聞錄

都人至年夜。請僧道看經。備酒果送神。燒合家替代紙錢。貼竈馬於竈上。以酒糟塗抹竈門。曰醉司命。夜於竈裏點燈。謂之照虛耗也。夢華錄

吳中村落。除夕燃火炬。縛長竿之杪。徧照田土。以祈來年之絲穀。各於門首燃薪滿盆。謂之相煖熱。

風土記

除夜。祭先竣事。長幼聚飲。祝頌而散。謂之分歲。達旦不眠。謂之守歲。

穀玉類編卷二

穀玉類編卷三

休寧 汪兆舒果齋輯

休咎類

祥瑞

災異

水患

火災

祥瑞

曰休徵曰肅時雨若曰乂時暘若曰哲時燠若曰謀時寒若曰聖

時風若

書經

炎帝教民耒耜百穀滋阜神芝發其色靈苗擢佳穎朱草蔓於階

卿雲蕩於巖

拾遺記

堯爲仁君。一日十瑞。宮中芻化爲禾。鳳凰止於廷。龍見於宮。沼歷草生階。宮禽五色。鳥化白。神木生蓮。筵脯生厨。景星耀於天。甘露降於地。是爲十瑞。述異記

舜時。景星曜於房。羣瑞畢致。地出乘黃。舜於是德被天下。薦於天。

使禹攝政。

帝王世紀

成王之時。有三苗貫桑而生。同爲一穗。大幾盈車。長幾充廂。民有得而上之者。成王召周公而問之。曰。三苗爲一穗。意天下其和爲一乎。後果有越裳氏重譯而來矣。白虎通

光武中元元年。京師醴泉涌出。赤草生於水涯。郡國頻上甘露。羣臣奏言。靈物仍降。宜令太史撰集。以傳來世。帝不納。帝自謙無德。

每郡國所上輒抑而不當故史官罕得記焉。

後漢書

崔昂爲尚書左丞。甘露降於宮闕。文武官僚同賀。魏帝曰。自古甘露之瑞。漢魏多少。可各言感致所由。昂曰。案符瑞圖。王者德至於天。則甘露降。然吉凶兩門。不由符瑞。故桑雉爲戒。寶啟中興。小鳥孕大。未聞福感。願陛下雖休勿休。允答天意。

北齊書

凡景星慶雲爲大瑞。其名物六十四。白狼赤兔爲上瑞。其名物三十八。蒼烏朱雁爲中瑞。其名物三十二。嘉禾芝草木連理爲下瑞。其名物十四。大瑞則百官詣闕奏賀。餘瑞歲終禮部員外郎以聞。有司告廟。

唐書

唐太宗詔非大瑞不得表聞。曰。比見羣臣屢上表賀祥瑞。夫家給

人足而無瑞。不害爲堯舜。百姓愁怨而多瑞。不害爲桀紂。嘗有白雀。構巢殿上。合歡如腰鼓。左右稱賀。上曰。我嘗笑隋帝好祥瑞。瑞在得賢。此何足賀。命毀其巢。縱鵲野外。通鑑

宋仁宗皇祐五年。知無爲軍茹孝標獻芝草三百五十本。帝曰。朕以豐年爲瑞。賢臣爲寶。至於草木蟲魚之異焉。足尙哉。戒天下勿獻。

世宗大定十三年。策試進士於憫忠寺。夜半忽聞音樂聲。起東塔上。西達於宮。考官等以爲文運始開。得賢之兆。金史

洪武初。甘露屢降。帝問災祥之故。宋濂對曰。受命不於天。於其人。休符不於祥。於其仁。春秋書異。不書祥。爲是故也。明史

成祖永樂二年周王橚來朝獻騶虞百官請賀帝曰瑞應侯德而至騶虞若果爲祥在朕更當修省四年南陽獻瑞麥諭禮部曰比郡縣屢奏祥瑞獨此爲豐年之兆命薦之寢廟

災異

曰咎徵曰狂恒雨若曰僭恒暘若曰豫恒燠若曰急恒寒若曰蒙恒風若

書經

周書曰天子見怪則修德諸侯見怪則修政卿大夫見怪則修職士庶人見怪則修身

後漢書

帝太戊立有祥桑穀共生於朝一暮大拱帝懼問伊陟陟曰臣聞妖不勝德帝之政其有闕與帝其修德太戊從之而祥桑枯死

史記

殷本紀

楚昭王卒于城父。是歲也。有雲如衆赤鳥。夾日以飛三日。楚子使問諸周太史。太史曰。其當王身乎。若禳之。可移於令尹司馬。王曰。除腹心之疾。而寘諸股肱。何益。不穀不有大過。天其天。諸有罪受罰。又焉移之。遂勿禳。左傳

光武建武七年。日有食之。避正殿。寢兵。不聽事五日。詔曰。吾德薄致災。今方念愆。其令百僚各上封事。上書者不得言聖。後漢書

武帝咸寧三年。四年。並以元旦合朔。卻元會。至康帝建元元年。太史上元日合朔。復疑應卻會否。庾永輔政。寫漢劉邵議示八座。蔡謨遂著議非之。曰。災祥之發。所以譴告人君。王者故素服廢樂。退

避正寢百官用幣伐鼓躬親救之。夫敬誠之事與其疑而廢之寧
慎而行之。若聞天青將至行慶樂之會於禮乖矣。禮所云諸侯入
門不得終禮者謂日官不預言諸侯入乃知耳。非先聞當蝕而朝
會不廢也。引此可謂失其義者。故正之。於是冰從衆議遂卻會。晉書
崔叔瓚爲魏尹丞屬蝗蟲爲災。文宣以問叔瓚對曰。按漢書五行
志土功不時蝗蟲作厲。當今外築長城內興三臺故致此災。北史

貞觀二年京畿旱蝗太宗在苑中掇蝗祝之曰人以穀爲命百姓
有過在予一人但當蝕我無害百姓將吞之侍臣懼帝致疾遽以
爲諫帝曰所冀移災朕躬何疾之避遂吞之是歲蝗不爲災。唐書

宋真宗以連歲旱蝗問翰林學士李迪曰旱蝗薦臻將何以濟迪

曰。土木之役過甚。蝗旱之災。殆天以警陛下也。帝遂停工役。罷諸營造。甲寅得雨。蝗散。戊辰。青州飛蝗赴海死。積海岸百餘里。通鑑

富弼知諫院。日食正旦。請罷宴徹樂。執政不可。弼曰。萬一契丹行之。爲朝廷羞。後聞契丹果罷宴。仁宗深悔之。及神宗初。弼同平章事。時有爲帝言。災異皆天數。非關人事得失所致者。弼嘆曰。人君所畏惟天。若不畏天。何事不可爲。卽上書力論之。宋史

李光爲侍御史。彗出寅艮間。耿南仲輩謂應在外夷。不足憂。光奏孔子作春秋。不書祥瑞者。欲使人君恐懼修省。未聞以災異歸之外夷也。

海陵正隆五年。河東陝西地震。海陵問司天馬貴中等曰。何爲地

震貴中曰。伏陽逼陰所致。問震而大風何也。對曰。土失其性。則地震。風爲號。令人君嚴急。則有烈風及物之災。金史

天順七年二月。空中有聲。帝欲禳之。命李賢撰詞。賢言。君不恤民。天下怨叛。厥有鼓妖。因請行寬恤之政。明史

吳山爲禮部尙書。嘉靖四十年二月朔日當食。微陰。歷官言日食不見。卽同不食。嚴嵩以爲天眷。趨部急上賀。山仰首曰。日方虧。將誰欺耶。仍抹護如常儀。

萬歷時。歷城高苑牛產犢。皆兩首兩鼻。吳道南署禮部事。請盡蠲山東諸稅。召還內臣。

楊道賓累遷禮部侍郎。掌部事。萬歷四年冬。天鼓鳴。道賓言天之

視聽在民。今民生顛躓。無所赴愬。天若代爲之鳴。宜急罷礦使。更張闕政。以和民心。

水患

宋大水。公使弔焉。曰。天作淫雨。害於粢盛。若之何不弔。對曰。孤實不德。天降之災。又以爲君憂。拜命之辱。臧文仲曰。宋其興乎。禹湯罪已。其興也悖焉。且列國有凶。稱孤禮也。言懼而名禮。其庶乎。左傳

齊有一足鳥。下止殿前。舒翅而跳。齊侯使問孔子。孔子曰。此鳥名商羊。水祥也。童謠曰。天將大雨。商羊鼓舞。今齊有之。其應至矣。頃之人霖雨。水溢泛。諸國傷害人民。惟齊有備。不敗。孔子家語

王尊爲東郡太守。河水盛溢。老弱奔走。尊執圭璧。使巫策祝。請以

身填金堤。因止宿廬。居隄上。吏民爭叩頭止尊。尊不肯去。及水盛。隄壞。吏民皆奔走。惟一主簿泣在尊旁。立不動。而水波稍卻。廻還。吏民咸壯尊之勇節。

漢書

李崇都督淮南。時霖雨大水入城。屋宇皆沒。崇乃乘船附於女牆。州府勸崇棄壽春。保北山。崇曰。吾忝守藩岳。淮南萬里。繫於吾身。一旦動脚。揚州之地。恐非國物。吾必守死此城。時州人有乘大水謀爲亂。崇擊滅之。是時非崇則淮南不守矣。

魏書

陳希亮知滑州。河溢魚池埽且決。希亮發禁兵捍之。廬于所當決。吏民涕泣更諫。希亮堅卧不動。水亦去。人比之王尊。

宋史

杜常以龍圖閣學士知河陽軍。大河決。直州西上埽。勢危甚。常親

臺三類編 卷之三
護役徙處。埽上埽潰水溢。及常坐而止。於是役人盡力。河流遂退。

火災

凡火。人火曰火。天火曰災。

左傳

魏文侯御廩災。羣臣皆弔。公子成父獨賀。文侯不悅。成父曰。臣聞天子藏於四海。諸侯藏於境內。非其所藏者。不有天災。必有人患。今幸無人患。乃有天災。不亦善乎。

說苑

劉昆爲江陵令。縣有火災。昆向火叩頭。火尋滅。

後漢書

郭憲爲光祿勳。從駕南郊。忽面向東北。含酒三嚥。執法奏爲不敬。憲曰。齊國失火。故以此厭之。後齊果上火災。與郊同日。

安帝義熙十一年。火災。吳界尤甚。王弼爲吳郡。晝居聽事。見天上

有一赤物下狀如幡信遙集路南人家火即大發引知天爲之災

故不罪火主

晉書

宋璟爲廣州都督廣人以竹茅茨屋多火璟教之陶瓦築堵列邸肆越俗始知棟梁利而無患災

唐書

范雍爲給事中玉清昭應宮災章獻太后泣對大臣曰先帝竭力成此宮一夕延燎幾盡惟一二小殿存耳雍抗言曰不若悉燔之也先朝以此竭天下之力遽成灰燼非出人意如因其所存又將葺之則民不堪命非所以畏天戒也時王曾亦止之遂詔勿葺

宋史

卜天璋爲饒州路總管火延饒之東門天璋具衣冠向火拜勢遂

熄

元史

弘治十一年有熊自西直門入郎中何孟春曰當備盜亦宜慎火。
宋紹興間熊抵永嘉城州守高世則以熊字能火戒郡中慎火果
延燒廬舍此其兆也是年城內多火災。明史

穀玉類編卷三

穀玉類編卷四

休寧 汪兆舒果齋輯

坤輿類

地	山	水	京都	宮殿
第宅	樓臺	園亭	石	井
鄰	橋	路	城	寺廟

地

東至泰遠。西至邠國。南至濮鉛。北至祝栗。謂之四極。孤竹。北戶。西王母。日下。謂之四荒。九夷。八狄。七戎。六蠻。謂之四海。爾雅
地有四遊。冬至。地上北而西三萬里。夏至。地下南而東三萬里。春

秋分則中矣。

尚書考靈曜

天地相去億五萬里。

詩舍神霧

地以名山爲之輔佐。石爲之骨。川爲之脉。草木爲其毛。土爲其肉。

三尺以上爲糞。三尺以下爲地。重陰之性也。

博物志

惟泰元尊。媼神蕃釐。經紀天地。作成四時。

媼地神漢書

禹別九州。定其山川。分其圻界。條其物產。辨其貢賦。周則夏官司。

險。掌建九州之國。周知山林川澤之阻。達其道路。地官誦訓。掌方。

志。以詔觀事。以知地俗。秋官職方。掌天下之圖。地。辨九州之國。使。

同其貫。漢初。蕭何得秦圖書。故知天下要害。後又得山海經。相傳。

以爲禹所記。武帝時。計書上太史。郡國地志亦在焉。其後丞相張。

禹使屬朱貢條記風俗。班固因之作地理志。晉摯虞依禹貢周官作畿服經。齊陸澄聚一百六十家之說。依其前後遠近編而爲部。謂之地理書。任昉又增澄書八十四家。謂之地記。陳時顧野王抄撰衆家之言作輿地志。隋大業中詔天下諸郡條其風俗物產地圖上於尙書。故隋有諸郡物產土俗記。區宇圖志。諸州圖經集。隋書張衡造候風地動儀。如有地動則振龍機發吐丸而蟾蜍銜之。振聲激揚。伺者因此覺知。雖一發龍機而七首不動。尋其方面乃知震之所在。合契若神。嘗一龍機發而地不動。怪其無徵。後數日驛至。果地震隴西。於是皆服其妙。後漢書

裴秀職在地官。以禹貢山川地名從來久遠多有變易。後世說者

或強牽引。漸以暗昧。於是甄擿舊文。疑者則闕。古有名而今無者。皆隨事注列。作禹貢地域圖十八篇。奏之。藏於秘府。晉書

僕射賈耽。悉地理四方之人。與使夷狄者。見之。必從詢索風俗。故天下地土區產。山川夷岨。必究知之。圖海內華夷廣三丈。從三丈三尺。以寸爲百里。并譔古今郡國縣道四夷述。其中國本之禹貢。外夷本班固漢書。古郡國題以墨。今州縣以朱。刊落踈舛。多所釐正。德宗善之。或指圖問其邦人。咸得其真。唐書

吳淑爲職方員外郎。時諸路所上閏年圖。皆儀鸞司掌之。淑上言。天下山川險要。國家之急務。故周禮職方氏。掌天下圖籍。請以圖上職方。又州郡地里。犬牙相入。向者獨畫一州地形。何以傳合他

郡望令諸路轉運使每十年各畫本路圖一上職方真宗從之宋史
陸文圭江陰人於地理考覈甚詳凡天下郡縣沿革人物土產悉
能默記如指諸掌元史

明制令天下朝正官各造事蹟文冊圖畫土地人民以進自崑山
余燦始明史

山

土高有石曰山爾雅

禹封九山山者土之聚也國語

太行五嶽匡廬皆崇高渾厚雖諸峰魁然其奇秀莫如蜀之岷峨
巫峽楚之太岳池之九華歛之黃山休之齊雲括之僊都溫之鷹

宕桂之靈山。滇之點蒼。非東西南北之人而走萬里窮荒陬者。不

可與言也。

古今合璧

海山微茫而隱見。江山嚴厲而峭卓。溪山窈窕而幽深。塞山童顙

而堆阜。

鞏氏見聞志

禹治水傷父功不成。登衡山而祭之。夢繡衣男子稱元夷。蒼水使者謂曰。欲得我山書者。齋於黃帝之嶽。禹乃退齋三日。登宛委山發石得金簡玉字之書。言治水之要。

吳越春秋

羊祜都督荊州。樂山水。每風景必造峴山。置酒言詠。嘗慨然歎息。謂從事中郎鄒湛等曰。自有宇宙。便有此山。由來賢達登此遠望。如我與卿者多矣。皆湮滅無聞。使人悲傷。如百歲後有知魂魄猶

應登此也。晉書

張載至蜀。道經劍閣。以蜀人恃險好亂。因著銘以作誠。益州刺史表上其文。武帝使鐫之於劍閣山。

支公見東陽長山。曰。何其坦迤。世說

李白登華山落鴈峰。曰。此處最高。呼吸之氣。想通帝座。恨不携謝朓驚人句。來搔首問青天耳。

水

水曰清滌。禮記

水北爲陽。水南爲陰。穀梁傳

水有大小。又有遠近。水之出於山而流入於海者。命曰經水。水別

於他水。入於大水及海者。命曰枝水。山之溝。一有水。一無水者。命曰谷水。水之出於他水。流於大水及海者。命曰川水。出地而不流者。命曰淵水。管子

輕水所多禿與癯人。重水所多臃與蹇人。甘水所多好與美人。辛水所多疽與痤人。苦水所多疔與偃人。呂氏春秋

八功德水。在江寧梁天監中。有龍爲胡僧措水。俄山湧一沼。繼有西僧至云。西域八池已失其一。乃知竭彼盈此也。入水者一清二冷。三香四柔。五甘六淨。七不瘧。八蠲疴。自梁以前。御用取給焉。方輿

勝覽

張禹爲揚州刺史。嘗過江行部中。土民以江有子胥之神。難于濟。

涉禹曰子胥如有靈知吾志在理察枉訟豈危我哉遂鼓楫而過
後漢書

荀中郎在京口登北固望海云雖未覩三山便自使人有凌雲意
若秦漢之君必當褰裳濡足
世說

范柏年爲州將見宋明帝帝言及廣州貪泉問柏年卿州復有此
水不答曰梁州惟有文里武鄉廉泉讓水又問卿宅在何處曰臣
所居廉讓之間
南史

豆盧勣爲渭州刺史有惠政鳥鼠山由來乏水諸羌苦之勣馬足
所踐忽飛泉涌出民爲之謠曰我有丹陽山出玉漿因號其泉爲
玉漿泉
隋書

李贇皇作相日有親知奉使京口贇皇曰金山泉揚子江中水各置一壺其人舉棹忘之至石頭城方憶乃汲一瓶歸獻李飲之曰江南水味大異頃歲此頗似建業城下水其人謝過不敢隱世說

喜客泉在滁州菱山客至撫掌則泉水上出有若跳珠號喜客泉卽珍珠泉也東注石瀨飛瓊濺玉觀者忘疲輿地紀勝

成祖北征金幼孜與胡廣楊榮扈行駕駐清水源有泉湧出幼孜

獻銘榮獻詩皆勞以上尊明史

京都

絕高謂之京爾雅

凡邑有宗廟先君之主曰都左傳

天子畿方千里曰甸服甸服之內曰京師帝王世紀

帝堯都平陽今山西平陽府帝舜都蒲坂平陽府蒲州夏王禹都安邑平陽府夏縣

商王湯都亳歸德府夏邑縣遷西亳河南府偃師縣仲丁遷囂河亶甲居相祖乙

居耿又遷邢盤庚渡河復居西亳武乙徙朝歌

周武王都鎬西安府咸安縣西南平王遷洛本成王所營是為王城敬王遷威周河南地周

公營以為都曰王城洛陽地周赧王又徙西周平王東遷之後所謂西周者鎬京東

周者王城威烈王之後所謂西周者王城東周者成周

秦都咸陽西安府咸陽縣

漢高祖都關中即咸陽後漢光武都洛陽即成周時謂洛陽為東京關中為西京

魏都洛陽 蜀都成都 吳都建業江寧府

晉都洛陽

東晉都建康

卽建業

宋齊梁皆都建康

梁元帝都江陵

荊州府

陳都建康

元魏道武都雲中

大同府朔州地

徙平城

大同府

孝文遷洛陽

孝武遷長安爲西魏周繼之都長安

於長安城中置萬年縣

孝靜帝遷鄴爲東魏北齊繼之都鄴

彰德府

隋都長安

在漢故城東南十三里建大興城

煬帝遷洛陽

唐都長安

本隋都元宗天寶元年長安曰西京洛陽曰東京肅宗寶應元年詔以京兆爲上都河南爲東都鳳翔爲西都

江陵爲南都太原爲北都凡五都

梁都汴

河南省城

唐莊宗卽位于魏州遷洛京

卽汴

晉都洛陽徙都

汴 漢都汴

周都汴

宋都開封府卽汴京四京東京開封府也西京河南府也卽洛南京應天府也今歸德府北京大名府也南宋

都臨安杭州府建康建行都

遼都上京臨潢府 金都上京會寧府 海陵遷燕

元都燕今順天府燕爲大都開平府爲上都。以上俱通鑑

明太祖取集慶路而都之改曰應天府成祖徙都北平改曰順天

號北京應天曰南京史概

大清

太祖高皇帝龍飛興京天命六年取遼陽於城東築城號東京尋遷

瀋陽因舊城增拓其制更名曰盛京至

世祖章皇帝定都燕京式廓丕基垂統萬禩焉盛京志

宮殿

布政之宮。在國之陽。上圓下方。八窻法八風。四闔法四時。九室法九州。十二重法十二月。三十六戶法三十六旬。七十二牖法七十

二候。

孝經援神契

黃帝有合宮以聽政。

管子

蕭丞相營作未央宮。立東闕北闕。前殿武庫太倉。高祖見宮闕壯甚。怒曰。天下匈匈。成敗未可知。何治宮室過度也。何曰。天下未定。故可就宮室。且天子以四海爲家。非壯麗無以重威。高祖乃悅。史記武帝作建章宮。度爲千門萬戶。前後度高未央。其東則鳳闕高二十餘丈。其南有玉堂璧門。大鳥之屬。漢書

甘泉宮南昆明池中有靈波殿七間皆以桂爲柱風來自香西京雜記

成帝設雲帳雲幄雲幕於甘泉紫殿世謂三雲殿漢掖廷有雲光

殿九華殿鳴鑾殿皆繁華窈窕之所棲宿焉

明帝欲起北宮尙書僕射鍾離意上書諫出爲魯相後起德陽殿

殿成百官大會上謂公卿曰鍾離尙書若在不得成此殿東觀漢記

晉世諸帝多處內房朝宴所臨東西二堂而已孝武末年清暑方

構及永初受命無所改作所居惟稱西殿文帝因之有合殿之稱

及孝武制度滋長造正光玉燭紫極諸殿雕梁綺節珠窓繡戶南史

魏獻文於苑內立殿勅羣官制名公孫敞曰至尊至貴莫崇於帝

王天人挹順莫大於謙光宜曰崇光奏可北史

太宗將幸九成宮。姚思廉諫曰：「離宮遊幸，秦皇漢武之事，固非堯舜禹湯之所爲也。」唐書

蘇世長侍宴披香殿，酒酣進曰：「此煬帝作耶？何雕麗若此？」帝曰：「卿諫似直，然詐也。豈不知此殿我所營？」乃曰：「煬帝耶？」對曰：「臣但見瑤宮瑤臺，非受命聖人所爲，帝益重之。」

張說爲中書令，元宗召說與禮官學士置酒集仙殿，曰：「朕今與賢者樂於此，當遂爲集賢殿。」

順宗爲太子，嘗侍宴魚藻宮，張水戲綵艦，宮人爲權歌，衆樂間發。德宗歡甚，顧太子曰：「今日何如？」太子誦詩好樂，無荒以對。

林希爲中書舍人，哲宗問神宗殿曰：「宣光，前代有此名乎？」對曰：「此

石勒殿名也。乃更爲顯承。宋史

太祖受命之初，卽遣使圖西京大內，按以改作。旣成，坐萬歲殿，洞開諸門，端直如引繩。嘆曰：「此如吾心，小有邪曲，人皆見矣。」邵氏聞見前錄

金朝北京營制宮殿，其屏展窻牖，皆破汴都輦至於此。汴中工匠有名燕用者，製作精巧，凡所造，下刻其名，及用之於燕，而名已先見。攬轡錄

至治二年，詔畫蠶麥圖于蓋頂殿壁，以時觀之。元史

孝宗踐阼，將建棕棚萬歲山，備登眺。太學生虎臣抗疏切諫，祭酒費閭懼禍，及銀鐙繫臣堂樹下。俄官校宣臣至左順門，傳旨慰諭曰：「若言是棕棚已毀矣，閭大慚。」臣名遂聞都下，頃之命授七品官。

明史

第宅

大厦成而燕雀相賀。

淮南子

晉獻文子成室。晉大夫發焉。張老曰。美哉輪焉。美哉奐焉。歌於斯。哭於斯。聚國族於斯。文子曰。武也得歌於斯。哭於斯。聚國族於斯。是全要領以從先大夫於九京也。北面再拜稽首。君子謂之善頌。

善禱。

禮記

齊景公欲更晏子之宅。曰。子之宅近市。湫隘囂塵。不可以居。請更諸爽塏者。辭曰。君之先臣容焉。臣不足以嗣之。於臣侈矣。且小人近市。朝夕得所求。小人之利也。敢煩里旅。

左傳

宣帝賞元功。賜大將軍霍光甲第一區。

漢書

鄭元北海高密人。國相孔融深敬重元。告高密縣爲元特立一鄉。

曰鄭公鄉。廣開門衢。令容高車。號爲通德門。

後漢書

陸機兄弟在洛。住參佐廨中。三間瓦屋。士龍住東頭。士衡住西頭。

世說

陳頽少好學。父訢立宅起門。頽曰。當使容馬車。訢笑而從之。頽仕

爲郡督郵。州辟郗從事。乘馬車還家。宗黨榮之。

晉書

陸慧曉與張融並宅。其間有池。池上有二株楊柳。廬江何點嘆曰。

此池便是醴泉。此木便是交讓。

南史

何胤遷居秦望山。初胤將築室。忽見二人容貌甚偉。謂胤曰。君欲

居此耶。指一處云。此中殊吉。忽不見。屑依言而卜焉。尋而山發。洪水樹石皆倒拔。惟屑所居室。巋然獨存。太守衡陽王元簡作瑞室頌。刻石以旌之。

張志和築室越州東郭。觀察使陳少游往見。爲終日畱。表其居曰元貞坊。爲買地大其閤。號回軒巷。

唐書

宰相崔鄆居光德里。構便齋。宣宗曰。鄆一門孝友。可爲士族法。因題曰德星堂。

鄭餘慶歷官左僕射。從父細第在南。餘慶第在北。世謂南鄭相。北鄭相云。

李昉歷官右僕射。晉侍中崧者。與昉同宗。又同里。時人謂崧爲東

李家昉爲西李家。宋史

郭進爲雲州觀察使。太祖賜京城道德坊第一區。令有司造宅。用
甬瓦。有司言。舊制非親王公主之第。不可用。帝怒曰。進控扼西山
十餘年。使我無北顧憂。我視進。豈減兒女耶。亟往督役。

王易簡以太子少保致仕。歸華陰。構一鳴堂。二品樓。優游自適。

任布以太子少保致仕。歸洛中。作五知堂。謂知恩。知道。知命。知足。
知幸也。

范文正子弟。以公有退志。乘間請治第洛陽。樹園圃以爲遊逸之
地。公曰。人苟有道義之樂。形骸可外。况居室哉。玉海

少府爲諸王昌童。建宅於太廟南。田忠良往仆其柱。少府奏之。帝

問忠良對曰太廟前豈諸王建宅所耶。元史

徐達改封魏國公帝嘗從容言徐兄

每宴見歡飲有布衣兄弟稱

功大未有寧

居可賜以舊邸舊邸者太祖爲吳王時所居也達固辭一日帝與

達之邸強飲之醉而蒙之被昇卧正寢達醒驚趨下階俯伏呼死

罪帝覘之大悅乃命有司卽舊邸前治甲第表其坊曰大功

明史

楊士奇楊榮楊溥同直內閣中外翕然稱三楊以居第目士奇曰

西楊榮曰東楊而溥嘗自署郡望曰南郡因號爲南楊

王直在翰林與金谿王英齊名人稱二王以居地目直曰東王英

曰西王

于謙自奉儉約所居僅蔽風雨帝賜第西安門辭曰國家多難臣

子何敢自安固辭不允。乃取前後所賜璽書袍錠之屬悉加封識。歲時一省視而已。

樓臺

天子有三臺。靈臺以觀天文。時臺以觀四時施化。囿臺以觀鳥獸魚鱉。諸侯卑不得觀靈臺。但有時臺。囿臺也。五經異義

靈王爲章華之臺。與伍舉升焉。曰。臺美夫。對曰。先君莊王爲匏居之臺。高不過望國氛。大不過容宴豆。木不妨守備。民不廢時務。先君是以除亂克敵。今君爲此臺。民罷財盡。臣不知其美也。國語

公孫卿曰。仙人好樓居。於是上作蜚廉桂觀。而候神人。方士有言。

黃帝時爲五城十二樓以候神人。命曰迎年。上許作之。史記

武帝作井幹樓高五十丈輦道相屬焉。

漢書

武帝起騰光臺以望四遠。帝於望鵠臺西起俯月臺臺下穿池登臺眺月影入池中使人乘舟弄月影因名眺蟾臺。

洞冥記

謝元田居所在右濱長江左傍連山平陵修通澄湖遠鏡於曲江起樓樓側悉是桐梓森聳可愛居民號爲桐亭樓樓兩面臨江盡升眺之趣蘆人漁子汎濫滿焉。

水經注

凌雲臺樓觀精巧先稱平衆木輕重然後造構臺雖高峻常隨風搖動終無傾倒之理。

世說

世祖興光樓上施青漆世謂之青樓東昏侯曰武帝不巧何不純

用瑠璃。

南齊書

隱士陶弘景於句曲山築三層樓。弘景處其上。弟子居其中。賓客至其下。梁書

孫儉爲荊州刺史。人安其業。吏人表請爲儉構清德樓。樹碑刻頌。朝議許焉。周書

元宗戒諸王曰。吾奉先帝宮室。不敢有加。興慶制作。所以表休徵之地。新作南樓。本欲採風謠。察氓俗。是亦闢門達聰之意。時有游宴。不徒然也。唐會要

劉麟清修直節。當官不撓。爲工部。僅踰年而罷。居郊外南坦。賦詩自娛。晚好樓居。力不能構。懸籃輿於梁。曲卧其中。名曰神樓。文徵明繪圖遺之。明史

陳繼儒字仲醇。築室東佘山。杜門著述。暇則與黃冠老衲窮峰泖之勝。吟嘯忘返。足踪罕入城市。董其昌爲築來仲樓招之。

園亭

梧桐園在吳宮。本吳王夫差園也。芙蓉園在洛陽。漢置之。長沙定王故宮有蓼園。張騫苜蓿園。今在洛中。述異記

梁孝王築兔園。中有百靈山。山有膚寸石。落猿巖。棲龍岫。又有鴈池。池間有鶴洲。鳬渚。其諸宮觀相連延。亘數十里。奇果異樹。瑰禽

怪獸畢備。王日與宮人賓客弋釣其中。

西京雜記

石崇有別館在河陽之金谷。一名梓澤。

晉書

王獻之經吳郡。聞顧辟疆有名園。先不相識。乘肩輿徑入。時辟疆

方集賓友而獻之游歷既畢。旁若無人。

簡文入華林園。顧謂左右曰。會心處不必在遠。翳然林水。便自有濠濮間想。覺鳥獸禽魚自來親人。世說

宰相韋嗣立營別第驪山鸚鵡谷。中宗臨幸。命從官賦詩。名所居

曰清虛原幽棲谷。

唐書

王維別墅在輞川。地奇勝。有華子岡。欽湖。竹里館。柳浪。茱萸泚。辛夷塢。與裴迪游其中。賦詩相酬爲樂。

裴度爲東都畱守。於午橋作別墅。具燠館涼臺。號綠野堂。激波其下。度野服蕭散。與白居易。劉禹錫爲文章把酒窮晝夜歡。

白居易以刑部侍郎移病還東都。放意文酒。所居履道里。疏沼種

樹構石樓香山鑿八節灘。

隱士魏野居東郊。手植竹樹。清泉環遶。旁對雲山。景趣幽絕。鑿土
袤丈曰樂天洞。前爲草堂。彈琴其中。宋史

李建中掌西京畱司御史臺。愛洛中風土。就構園池。號曰靜居。

迂叟家洛五年。爲園其中。爲堂聚書五千卷。命之曰讀書堂。志倦
體疲。則投竿取魚。執衽採藥。決渠灌花。操斧斫竹。濯熱灌水。臨高
縱目。不知天地之間。復有何樂。可以代此也。因名之曰獨樂園。司馬

溫公獨
樂園記

李洞歷官翰林學士。僑居濟南。有湖山花竹之勝。作亭曰天心水
面。文宗勅虞集製文以記之。元史

鄭善夫爲戶部主事。以清操聞。時劉瑾雖誅。嬖倖用事。善夫憤之。乃告歸。築草堂金鰲峰下。爲遲清亭。讀書其中。曰。俟天下之清也。

明史

錢經歷曄。幼而能詩。豪富好客。有顧玉山之風。園亭種荷數十畝。作錦香亭。其中亭苦炎日。以巨艦載大樹。視日所向陰之。林木鬱然。不知爲水榭也。

列朝詩集小傳

石

青州厥貢鉛松怪石。

書經

石氣之核也。氣之生石。猶人筋絡之生爪牙也。

物理論

石言于晉魏榆。晉侯問於師曠曰。石何故言。對曰。石不能言。或憑

焉。不然民聽濫也。左傳

楚熊渠子夜行見寢石以爲伏虎彎弓射之滅矢飲羽下視知其石也復射之矢摧無迹熊渠子見其誠心而石爲之開况人乎。新序

漢武帝得異石長十丈高三丈立於望仙宮名龍鍾石。洞冥記

馬伯第登泰山見石二枚一是武帝時石用五車載不能上因置山下爲屋號五車石一是紀號石刻文字紀功德立壇上。漢官儀

張騫尋河源至一處室內有一女織取支機石與騫而還。荆楚歲時記

高琳母嘗被襖泗濱見一石光彩朗潤遂持以歸是夜夢一人謂之曰此浮磬之精若能寶持必生令子俄而有姪及生子因名琳。

字秀珉。後漢書

武昌北山。上有望夫石。狀如人立。傳云。古有貞婦。其夫從役。餞送此山。立望夫而死。化爲石。

幽明錄

宮亭湖邊。傍山有石數枚。形圓若鏡。明可以鑑。人謂之石鏡。

吳興長城夏架山。有石鼓。長丈餘。面徑三尺。鳴則聲如金鼓。三吳有兵。至隆安中大鳴。後有孫恩之亂。

晉書

到溉齋前有奇礪石。長一丈六尺。梁武帝戲與賭之。溉輸焉。帝迎

置華林園。所謂到公石也。

南史

虞愿爲晉平太守。海邊有越王石。嘗隱蔽雲霧。相傳曰。太守清廉。乃得見。愿遂往觀。清澈無隱。

齊書

宰相李德裕。平泉別墅。怪石甚衆。醒酒石尤所寶。

名園記

米芾知無爲軍入公解見立石頗奇卽取袍笏拜之每呼曰石丈

石林

新語

米元章守漣水地接靈壁蓄石甚富品目入玩則終日不出楊次公爲觀察使因往廉焉正色曰朝廷以郡邑付公那得終日弄石米徑前於左袖取一石嵌空瓊瓏峰巒洞穴皆具以示楊曰如此石安得不愛楊殊不顧乃納之袖又出一石疊嶂層巒奇巧又勝楊不顧又納之袖最後出一石盡天劃神鏤之巧顧楊曰如此石安得不愛楊忽曰非獨公愛我亦愛也卽於米手攫得之徑登車去

世說

黃觀募兵上游至安慶燕王已渡江入京師命有司追捕觀收其

妻翁氏并二女給象奴。翁急攜二女投淮清橋下死。投水時。嘔血石上。成小影。陰雨則見。相傳爲大士像。僧昇至菴中。翁氏見夢曰。我黃狀元妻也。比明。沃以水。影愈明。有愁慘狀。移至觀祠。名翁夫人血影石。至今存。

明史

王源知潮州府。西湖上有大石爲怪。源命鑿之。果獲石骷髏。怪遂息。乃琢爲碑。大書潮州知府王源除怪石。

忽魯謨斯境內有大山。四面異色。一紅鹽石。鑿以爲器。盛食物。不加鹽而味自和。

新安楊不棄。精於鑒別。有鄉人得一石於水濱。狀如鶩子。而青瑩可愛。楊以千錢易之。恒以自隨。作鎮紙。及楊來燕。有外國人數來。

看之不忍釋手。曰：此名青鳳子。卽吾土價亦不貲。於是聲價一旦貴踴。有一兩殿供事。許以千金易去。進內。聞爲禁中寶重。甲乙剥言

井

伯益作井。

世本

東阿北門阜上。有井深六丈。歲常煮膠以貢天府。

水經注

邛州城南有火井。民取其火。先以家火投之。少頃。聲如雷。光燄騰上。民盛以竹筒拽行。終日不滅。又以井火煮鹽。五斛水得五斛鹽。家火煮之。則無幾也。益州記

洛陽楚氏掘井。每不得泉。有術者云：夜以水盛器。若見星多者。下

有泉。用之果然。

邵氏聞見後錄

厭原山有洪井。飛流懸注。其深無底。舊說洪厓先生井也。豫章記

句容縣延陵季子廟前井。恒自涌沸。故曰沸井。異苑

耿恭救車師。據疏勒城。匈奴擁絕澗水。恭於城中穿井十五丈。不得水。吏士渴乏。恭仰嘆曰。昔貳師將軍拔佩刀刺山。飛泉涌出。今漢德神明。豈有窮哉。乃整衣冠。向井再拜。爲吏士禱。有頃。水泉奔出。乃令吏士揚水以示虜。虜遂引去。後漢書

魏明帝引穀水過九龍殿前。爲玉井。綺欄蟾蜍含受。神龍吐出。魏畧

房豹爲樂陵太守。郡治瀕海。水味多鹹苦。豹命鑿一井。遂得甘泉。

人以爲政化所致。豹罷歸後。井味復鹹。北齊書

平鑒爲懷州刺史。魏將楊標來攻。時新築之城。素乏水。南門內有

大井。隨汲卽竭。鑿衣冠俯井而視。至旦而井泉涌溢。有異於常。合城取足。楊標敗去。北史

韓朝宗爲襄州刺史。襄州南楚故城。有昭王井。傳言汲者死。行人

雖暵困不敢視。朝宗移書諭神。自是飲者無恙。人更號韓公井。唐書

唐代宗時。李泌刺杭州。閔錢塘瀕海。市民苦江水鹵惡。難以安土。

始鑿六井。開寶引湖水以資民汲。民甚利之。咸淳臨安志

楊景行爲會昌州判官。會昌民素不知井。飲汲於河流。故多疾癘。

景行教民穿井以飲。民始免於疾癘。元史

天方國古筠冲地。有一井。水清而甘。泛海者必汲以行。遇颶風取

水灑之卽息。明史

隣

令五家爲比。使之相保。五比爲閭。使之相受。四閭爲族。使之相聚。五族爲黨。使之相救。

周禮

漢陳器與紀伯爲鄰。伯治垣。侵其地。器復益地。與之。伯愧。還所侵。

人號曰義里。

廣輿記

張鏡與光祿大夫顏延之鄰居。顏談議飲酒。喧呼不絕。而鏡靜翳無言。後延之於籬邊。聞其與客語。取胡床坐聽。辭義清元。延之心服。謂賓客曰。彼有人焉。由此不復酣叫。

南齊書

柳惔與謝瀹鄰居。深見友愛。瀹曰。宅南柳郎可爲表儀。

南史

呂僧珍歷官領軍將軍。宋季雅罷南康郡。市宅居僧珍宅側。僧珍

問宅價曰一千一百萬。怪其貴。季雅曰。一百萬買宅。千萬買鄰。僧珍言於梁武帝。陳其才能。以爲壯武將軍。衡州刺史。

橋

隄謂之梁。石杠謂之倚。

爾雅

秦始皇作石橋於海上。欲過海觀日出處。有神人驅石。石去不速。神人鞭之。皆流血。

史記

元帝初元中。酎祭宗廟。出便門。欲御樓船。薛廣德當乘輿車。免冠

頓首曰。宜從橋。

漢書

杜預爲度支尙書。以孟津渡險。請建河橋於富平津。議者以爲殷周所都。歷聖賢而不作者。不可立故也。預曰。造舟爲梁。則河橋之

謂也。及橋成，武帝從百僚臨會。舉觴屬預曰：「非君，此橋不立也。」

晉書

崔亮爲雍州刺史，城北渭水淺，不通船。行人艱阻，亮欲營橋。曰：「昔秦居咸陽，橫橋渡渭，以像閣道。此卽以柱爲橋。今惟慮長柱不可得耳。會天大雨，山水暴至，浮出長木數百根，藉此爲用，橋遂成立。百姓利之，至今猶名崔公橋。」

魏書

張志和所居，門阻流水，無梁。觀察使陳少游爲構之，人號大夫橋。

唐書

蔡襄知泉州，距州二十里萬安渡，絕海而濟。往來者畏其險，襄立石爲梁，其長三百六十丈，種蠣於礎以爲固。至今賴焉。

宋史

陳希亮知宿州，州跨汴爲橋，水與橋爭，常壞舟。希亮始作飛橋，無

柱以便往來。詔褒之。仍下其法。自畿邑至於泗州。皆爲飛橋。

盤江居雲貴交。兩山夾峙。一水中絕。湍激迅悍。舟濟者多陷溺。朱家民爲貴陽知府。倣瀾滄橋制。冶鐵爲絙。三十有六。長數百丈。貫兩崖之石。而懸之。覆以板。類於蜀之棧。而道始通。明史

路

王尊爲益州刺史。初。王陽爲益州。行部至邛郯九折坂。歎曰。奉先人遺體。奈何數乘此險。後以病去。及尊至其坂。曰。此非王陽所畏道耶。叱其馭曰。驅之。王陽爲孝子。王尊爲忠臣。漢書

建初八年。鄭弘爲大司農。舊交趾七郡。貢獻轉運。皆從東治。泛海而至。風波艱阻。沉溺相系。弘奏開零陵。桂陽。嶠道。至今爲常路。後漢

書

王子敬云。從山陰道上。行山川自相映發。使人應接不暇。世說

宣武移鎮南州。制街衢平直。人謂王東亭曰。丞相初營建康。無所因承。而制置紆曲。方此爲劣。東亭曰。此丞相所以爲巧。江左地促。不如中國。若使阡陌條暢。則一覽而盡。故紆徐委曲。若不可測。

秦王苻堅。政理稱舉。關隴清晏。自長安至於諸州。皆夾路樹槐柳。二十里一亭。四十里一驛。旅行者取給於途。百姓歌之曰。長安大

街。夾樹楊槐。下走朱輪。上有鸞棲。晉書

帝幸汾陽宮。狄仁傑爲知頓使。并州刺史冲元。以道出妬女祠。俗言盛服過者。致風雷之變。更發卒數萬。改馳道。狄仁傑曰。天子之

行風伯清塵。雨師灑道。何妬女之爲耶。止其役。帝壯之曰。真丈夫

哉。唐書

馬仲甫知登封縣。輾轅道險厄。仲甫傭民鑿平。爲坦途。人便其行。

爲刻石頌美。宋史

于謙巡撫河南。近河處時有衝決。謙令厚築隄障。計里置亭。亭有長。責以督率修繕。並令種樹鑿井。榆柳夾路。道無渴者。明史

陳鋼爲黔陽知縣。南山厓官道數里。徑窄甚。行者多墮厓死。鋼積薪燒山。沃以醢。拓徑丈許。行者便之。

城

鯨築城以衛君。造郭以守民。此城郭之始。

吳越春秋

樊城西北有鄆城。西百餘里有穀城。穀伯綏之國。城門有石人焉。刊其腹云。摩朶鞬。摩朶鞬。慎莫言。疑此亦周太史廟金人緘口銘背之流也。荊州記

成都有大城。秦張儀所築。初儀築城。屢頽。忽有大龜出於江。隨龜築之功。始就。故人稱龜城。成都志

秦人築城於武周塞。將成而崩者數矣。有馬馳走。周旋反覆。父老異之。因依以築城。乃不崩。遂名馬城。搜神記

漢武帝時。有青雀羣飛於霸城門。乃改爲青雀門。更修飾。刻木爲綺橑。雀去。因名青綺門。洞冥記

朱序鎮襄陽。苻丕等率衆圍序。初苻丕之來。序母韓登城履行。謂

西北角當受弊。遂領百餘婢并兵丁於其角築城二十餘丈。賊攻西北角。果潰。衆便固新築城。不引退。襄陽人謂此城爲夫人城。晉書

桓征西治江陵城甚麗。會賓僚出江津望之。云若能目此城者有

賞。顧長康時在坐。目曰。遙望層城。丹樓如霞。桓賞以二婢。

世說

始興王鑑爲益州刺史。州城北門常閉。鑑問其故。於虞棕。棕曰。蜀中多夷暴。有時抄掠至城下。故相承閉之。鑑曰。古人云。善閉無關鍵。且在德。不在門。卽令開之。戎狄慕義。自是清謐。南史

高駢爲西川節度使。蜀之士惡成都城數壞。駢易以磚甃。陴堞完

新。訖功名大元城。唐書

李肅之通判澶州。樓堞壞圯。肅之謂郡守曰。吾州爲景德破敵之

地當示雄強。今保障若是。且奈何。遂鳩工構城屋。凡千區。已而中
貴人銜命來視。規置一新。聞之。朝擢知德州。宋史

信國公湯和奉命禦倭海上。乃度地浙東西並海。設衛所城五十
有九。選丁壯三萬五千人築之。盡發州縣錢及籍罪人貲給役。役
夫往往過望。而民不能無擾。或曰。民讟矣。奈何。和曰。成遠算者不
恤近怨。任大事者不顧細謹。復有讟者。齒吾劍。踰年而城成。後嘉
靖間。東南苦倭患。和所築沿海城戍皆堅緻。久且不圯。浙人賴以
自保。多歌思之。明史

寺廟

劉損爲吳郡太守。至昌門。便入太伯廟。時廟室頽壞。損愴然曰。清

塵尙可髣髴。衡宇一何摧頽。卽令修葺。

南史

何氏自晉司空充。宋司空尙之。奉佛法。並建立塔寺。至梁侍中敬容。又捨宅東爲伽藍。趨權者因助財造構。故堂宇頗爲宏麗。輕薄者因呼爲衆造寺。

高允爲懷州刺史。巡境至邵縣。見召公廟廢毀。乃歎曰。召公之德。闕而不祀。爲善者何望。乃表修葺之。

北史

狄仁傑持節江南巡撫使。吳楚俗多淫祠。仁傑一禁止。凡毀千七百房。止畱夏禹。吳太伯。季札。伍員。四祠而已。

唐書

王璉爲寧波知府。毀境內淫祠。三皇祠亦在毀中。或以爲疑。璉曰。不當祠而祠曰淫。不得祠而祠曰瀆。惟天子得祭三皇於土庶人。

無與毀之何疑。

明史

郭敦遷衢州知府。禁民聚淫祠。敦疾。民勸弛其禁。弗聽。疾亦瘳。彭勗七歲入佛寺。不拜。僧強之。叱曰。彼不衣冠而袒跣。何拜爲。舉進士。除南雄府教授。學舍後有祠。數現光怪。學官弟子率禱祀。勗撤而焚之。正統元年。以薦召授御史。命督南畿學校。禁立菴院。罷給僧尼度牒。所至葺治先賢墳祠。

黃鳳翔。萬歷初擢禮部侍郎。疏言。竊見都城寺觀。丹碧熒煌。梵刹之供奉齋醮之祈禳。何一不糜內帑。與其要福於冥漠之鬼神。孰若廣施於子遺之赤子。帝不能用。

穀玉類編卷四

